




巴縣志

全函  
十七卷

ル 5  
1503  
11





1503  
11

1503  
11

巴縣志卷十六

藝文



邑令王爾鑑熊峰纂修

邑人周開豐梅厓校閱

五言律

唐

渝州候嚴六侍御不到先下峽 杜甫

聞道乘驄發沙邊待至今不知雲雨散虛費短長  
吟山帶鳥蠻濶江連白帝深船經一柱觀留眼共

登臨



宋

遊大林寺

周敦頤

濂溪

三月山房暖林花互照明路盤層頂上人在半空  
行水色雲含白禽聲谷應清天風拂襟袂縹緲覺  
身輕

宿崇聖院

原註渝州  
溫泉佛寺

周敦頤

公程無暇日暫得宿清幽始覺空門客不生浮世  
愁溫泉喧古洞晚磬度危樓徹曉都忘寐心疑在  
沃州

明

秋日巴中旅行

太保諡  
蕭敏

王廷相

子衡  
儀封

巴東秋氣早行客已悽悽江險深三峽雲寒暗五  
溪中原無鴈至異國足猿啼况近烏蠻寨連年尙  
鼓鼙

壽菴禪師招飲治平寺禪藻亭次方洲楊探花

韻

楊

慎

升菴  
新都

馱經自石頭卓錫倚山幽僧寶傳衣見儒珍接席  
留欄窻窺海月覩枕聽江流坐覺諸天近曇花落



未休

巴田

四川副使劉天民 希尹 歷城

巴田不成井逐壟細開塍灌水分山溜燒畬去野  
芳三時勤不輟八口飽方能寄謝當塗子民心未  
有恒

渝城人日簡字給事

諸葛鯨 君騰 襄陽

訪舊來何晚輕帆落驛亭江迴劍外白山繞漢中  
青萬里逢人日孤城感客星知君懷諫草翹首望  
明廷

登塗山絕頂

川藩

曹學佺 能始 侯官

百折來峰頂三巴此地尊層城如在水裂石即為  
門澗以高逾疾松因怪得存瑤堦金翠色人世已  
黃昏

崇因寺

曹學佺

背江纔入寺上嶺久聞鐘法到巴中說僧從山下  
逢藤蘿開八水金碧傍孤峰寂靜身心悅焚香出  
古松

渝城度歲

安吉 黃翼聖 子羽 太倉



風俗他鄉異巫歌達四隣江明無月夜猿喚不眠  
人眷屬生兼死年光臘帶春客中艱一醉辜負物  
華新

雙山

楊濟之

幽僻爲因適村孤雲自閒雙峰天外插二水望中  
環圖籍堪娛目松花可駐顏卧龍徵不起醉裏聽  
潺湲

曲水寺

王應熊

朱明初麗日曲水此含煙淺藻浮脩鷺深林響杜

鵲禪枝柏綴子僧飯豆遙田一宿誰云少猶能免

俗牽

皇清

五福宮

劉道開

山從城內起殿倚堞邊開萬井鬚眉列雙流衣帶  
迴紅雲擎北帝紫氣鬱東臺不有題詩客誰當載  
酒來

崇因寺和曹能始先生韻

劉道開

年來畫粥地夢醒卽聞鐘古刹標題在名人恨不



逢綠猥當牖竹青時隔江峰僧結跏趺坐函經只  
少松

金鰲寺

劉道開

古寺藏山凹到門方始知山荒常畏虎徑窄不容  
騎釀黍家家酒蒙塵壁壁詩讀書隨地可借榻一  
何癡

曲水寺次王相國韻

劉道開

溪響雜新雨林疎透晚煙過橋纔下馬欹枕便聞  
鶉僧出因收米客來講種田巨公題韻在誰把碧

紗牽

宿歌樂山白海樓

劉道開

山應參躔秀江回巴字流樓高臨白海客到是清  
秋簫管終疑幻籃輿但可遊松風來枕畔一夜響

颶颶

疇昔

劉道開

疇昔干戈裏飄零剩此身一生九死客兩代六朝  
人路未通新朔遶應少近隣塗山與字水回首一  
傷神



兵後入城經五福宮有感二首

黃鐘呂元聲邑人

花宮荒寂久劫盡自重新北極威稜肅南離意象  
駟一城門外俯三水檻前春却怪栽松者偏為荆  
棘人

荆棘復荆棘何為蕝此宮雕搜溢爾橐禍福怵于  
胸頗侈丹青麗還誇文字工夜郎高坐去讓賊躡

川東

江漲三首

張安絃琴父鳥程

一望忘溟渤危樓天上開枕衾寒早入風雨日頻

催江濶蛟龍蟄村荒虎豹哀登臨憐節物誰送菊

花杯

王士禎

太息西南道悲吟大小東雲屯藩幕騎雨濕塞亭  
鴻授餐思賓石投踪憶伯通不堪蠻水發天地一

空濛

秋水高城堞山樓屬望寒正嗟轉戰苦尤見輓輸  
難久客真堪折斯饑豈敢嘆故園九千里欲渡阻

狂瀾

渝州夜泊

刑部 王士禎阮亭 尚書 新城



塗山斜月落巴國曙雞鳴亂艇煙初合三江湖夜  
生霜寒催曉角石氣肅高城不寐聞猿嘯迢迢入  
峽聲

題三忠傳

王士禎

已失夔門險誰云蜀道難三江湖不到萬馬競傳  
餐故國悲張許孤忠泣賀蘭當時渝水上慷慨白  
衣冠

塗山絕頂眺望

王士禎

飛瀑落長虹登臨見禹功山圍巴子國苔沒夏王

宮峒俗鳥蠻近畚耕白帝同渝州天塹地感慨人

江東

青舟出巴峽古華總不牛馬後書三王士禎

曲折真成字滄波十月天雲開見江樹峽斷望人

煙新月數聲笛巴歌何處船今宵羈客淚流落竹

枝前

泊木洞驛

燈火宿江臯孤峰戴驛高雲開看斗柄峽靜響風  
濤樹密猿爭挂豺多虎不驕叢祠無路到何處薦



溪毛

華巖洞二首

川東王孫蔚

石磴凌霄上苔峰落日幽松巢支遁鶴雲臥大安  
牛洞豁乾坤入泉飛日月流桃源迷世代知歷幾  
千秋

仙路迷中散鬼工費五丁巖開石髓白瀑濺水簾  
青太乙壇全古華陽石半扇道書三十六題此補  
山經

遊華巖寺贈聖可大師潘之彪

地擅蜀山勝人依祇樹居華巖諸界合字水一舟  
虛說偈雲生衲敲詩月到廬何當從慧遠稽首問  
如如

縉雲九峰

何仕昌

獅子摩霄漢香爐篆太空朝陽迎旭日猿嘯亂松  
風石照三千界蓮花七竅通玉尖如寶塔更有聚  
雲峰

還巴字園

林確

霜鳥落石城舫閣致猶橫昨夜鄉關夢今朝兒女



情舊醅拈碧重冷蓋綴紅輕細理西參典鬢絲若  
個生

題迴龍橋店壁

傅嶠 滄石武昌

小憩迴龍脊蕭然秋雨來泉從深澗落城對暮山  
開風俗多吳會文章軼宋才行僧知客倦遙示曉  
鐘臺

江北鎮

傅嶠

倚欄頻北眺雄鎮擁金沙江隔襄樊界星繁博望  
槎 每歲春冬木簾皆泊鎮下幾欲斷流入  
夜燈光與岸上相接真若一天星 笙歌雖

白沸風氣不為奢尤美神明宰城中早放衙

巴歛四章

四川 宋衡 嵩南廬江

余寓香園寺以待水落暇時規問風俗為  
巴歛四章司土采風者或亦有所取乎

天成形勝地一石兩江環宇內人爭聚區中貨擁  
關年年瞻王氣處處盡屏山陸海斯無愧西川未  
足班

子安滕閣序人傑地纔靈今此稱蕃庶先期著典  
刑宜乎全盛日郁爾燦文星黉黉多游氣吾方望  
杳冥



人文雖已盛物力奈艱何  
裘馬五陵邈瓊瑤一曲  
歌冶容饒面首游俠妙  
朱窩一遇無登歲嗷嗷  
鴻雁多

決不居人後何由得在先  
妄人矜鼠璞匹婦按龍  
泉命似瑠璃脆城如沙  
磧堅可憐形勝地大美  
未能全

送友人之渝州

李以寧

雪樵  
邑人

戰伐乾坤滿君今事遠遊  
孤帆從此去異地各生  
愁月隱江津樹雲開水  
驛樓巴童歌唱起橫笛  
下

渝州

百丈梁

李以寧

積石橫江渚人傳百丈梁  
潢池曾此地露布幾經  
霜絕壁空殘壘悲風過  
戰場巴渝東逝水今古  
自湯湯

覺林寺八景

川東  
道

王奕鴻

太倉  
人

曉鐘喚渡  
月落花宮曉初鐘渡澗  
阿疎聲通夢鶴清韻斷  
鳴鼉岸遠炊煙細江空  
泛梗多行人且延竚遙  
聽隔



煙波

蓮峰垂露

多霽開峰翠高天墜露清丹臺微有影碧落澹無聲  
谷靜和雲滴巖空帶月明長松多警鶴常共夜鐘鳴

鐵筆凌霄

靈跡標終古如椽倚九陔嵐光成鳳泊雲影麗鸞回  
未見千軍掃還看萬象開願同提槩客試上最高臺

龍橋夜月

虹彩流蟾影長空落蕊淵涼分孤嶼露靜泛半江  
煙猿嘯榔中寺龍吟笛裏船何當抱琴至共證智常圓

泉水流香

甘谷諸源合曹溪一派通柳邊清瀉碧霞外細流紅  
去定歸萸岸來應汎蕙叢在山泉味好不與出山同

屏山積翠



疊嶂如屏列霏微翠幾重松陰青半壑黛色淨諸  
峰明愛朝嵐淡深宜夜露濃禪關相掩映萬象盡  
葱蘢

紫崖瀑布

亂瀑懸崖落潺湲濕翠蒲天風吹素練江月照玄  
珠寒色連高下清音入有無春瓢盛去好和石煮  
雲腴

古澗連枝

異質仍連理橫斜蔭上方煙雲盤鶴鶴風雨宿鴛  
鴦根老成雙石陰疎共半塘自然殊衆木巖壑不  
孤芳

集飲巴字園黃懿菴書舍感舊 余德中

春風吹草綠今古此山川瞬息看來者流光憶去  
年放塘低自好堆石瘦還憐花徑圍新市啣杯意  
惘然

過明月峽

余德中

花影照江流春風香滿舟輕帆懸急峽明月認高  
秋生魄原無缺含輝自古浮蒹葭深夜好漁笛起



汀州

秋日懷華巖聖可上人二首 余德中

秋懷偏不昧明月許相尋樹影參差見蟬聲斷續  
吟雲歸千丈迥松護一溪陰聞道華巖老幽栖傍

石林

執手去年別盤餐又薦莪江城秋色裏渝水晚煙  
中灑酒慙元亮裁詩憶遠公講堂鐘磬外應與客  
心同

塗山春眺

劉 慈

踏翠上層巔晴光入望便春明深樹碧日落大江

圓野徑生芳草孤城起暮煙尋幽懷禹蹟長嘯倚

雲邊

登城晚眺給孤寺 劉 慈

煙際懸旛影溪橋小逕通僧歸城堞下寺隱竹林

中遠水漫天白斜陽幾樹紅回看湫隘地燈火晚

朦朧

雙烈墓 劉 慈

寢園多蕩沒此墓獨巍然富貴一朝盡乾坤二女



傳妖氛迷繡閣  
晉井落花鈿大節  
誰銘石皇明尙  
紀年

香國寺吾廬

陳卓卓人上元

偶入皈峰寺  
驚開峰下雲  
江光穿樹出  
漁唱雜鐘聞  
鳥坐窺人倦  
僧來候客勤  
吾廬聊一憩  
潑墨寫清芬

覺林寺送人岳魯公歸會稽二首  
陳卓

山寺匆匆別  
人生那復宜  
一杯如可勸  
分手莫嫌遲  
芳草來年碧  
春鴻正未期  
遠懷何處見  
有夢亦

迷離

似向山陰道  
往來峽水艱  
何如當未別  
少復賜優閒  
舊雨天涯濶  
孤舟客子還  
江南梅可寄  
尙冀及時攀

秋仲同友人登五福宮閒眺二首  
章鳳來觀陽錢塘

偶立秋原上  
蒼然望不窮  
風雲蕭瑟外  
天地沈寥中  
黃盡誰家樹  
丹凝別岸楓  
夕陽來此際  
野興喜君同

未識蒹葭外  
伊誰自感秋  
白雲荒大漠  
顛氣闕中



州山暝紅爭艷江澄碧暗流茫茫相對處一鴈下南樓

溫泉寺泉水

貢生周驤大生邑人

舟檣溫泉寺相攜入化城早寒和不改秋響夜尤清中有織鱗出旁多香草生亦隨人試浴峽口月初明

二郎關

重慶游擊魯岱人岳會稽

巖關今不閉自古豈虛名峻嶺礙雲路危峰觸玉京佛圖郊已近此地成非輕未雨終難必綢繆空

復情

龍門

忠州牧施玉立春崖華亭

龍門誰所鑿峭崿外江邊我待看春浪魚當躍曉天飛龍應可逐巫峽不難穿鱸膾饒珍味鄉思日夜懸

禹廟

施玉立

明德惟神禹遙遙萬古思過門存聖迹辨國有元碑何以荒涼甚徒然望祭為塗山高鬱鬱繞岸有江蘼



渝州雜詠六首

汪焯 休寧

雉堞羣山裏孤根石一九三江環郭險百丈挽舟  
難竇熨封疆錯朝昏煙瘴寒自經巴子後兵燹幾  
凋殘

縱目頻增感支筇倚暮城百年休養力萬戶侈奢  
情郛酒螺觥艷蠻歌象板輕疇知書大有宵旰粒  
蒼生

入峽嗟危舶江灘惕旅情建瓴波怒瀉排戟石交  
橫利在路無險時艱命亦輕相看憐服賈生計昧

歸耕

憑欄望不極萬里見黃山衣線隨遊子霜毛入鏡  
鬢愁深巴子水雲擁佛圖關賸有連宵夢歡生舞  
袖斑

飄泊餘雄劍悲歌對酒生頻聞馳羽檄頓欲請長  
纓探穴寧無策攻心且駐兵蠻方殊蠢爾未可抗  
王旌

壯志虛殘歲閒吟寄梵宮碑尋蔓子跡江拜禹王  
功煨芋邀禪客封書倩塞鴻故人應盼我出峽及



春風

覺林寺僧月江留同人飲花下二首

汪焯

一徑來深塢禪栖分外幽巖顛松子落竹裏石泉  
流午磬破山翠晴雲護佛樓都將塵慮息瀟灑坐  
林邛

禪子殷勤意空庭席碧苔鳥聲歡遠客花氣落深  
杯踪跡欣萍合時光莫浪催誰能幽興得醉踏夕  
陽回

望塗山

貢生 曾德升 昭恒 鄧都

硯出在巴國日日見塗山鸚語松千樹龍橋水一  
灣每思杖策去不及野僧開士俗真堪歎幸他列  
翠鬟

游溫泉紹隆縉雲石華諸山寺五首

龍為霖

尋勝來中峽江流碧線牽雙巖天作合一火地  
然寺古雲常覆山幽鳥不喧無煩試洗濯早覺  
塵緣



同伴饒高致乘閒恣壯遊更窮山後脊直踞石邊  
虬列岫圍孤寺層梯鎖細流紹隆松韻古竚盼豁  
心眸

夙愛縉雲勝探奇苦未閒摩天峰突兀倒漢水潺  
湲老衲雲閒卧遊人鳥外攀千邨雙足底回首隔  
仙凡

微日寒杉隱輕煙野卉浮無風香自遠不夜景常

幽迦葉名空在軒轅蹟那求惟餘留帶處王春石先生嘗

讀書寺中自題  
有留帶一小額彷彿想風流

石華傳古刹造化敵奇蹤宛若垂雙臂天然枕一  
峰兼之江作帶况乃樹猶龍安得高僧榻同聽夜  
半鐘

登塗山還憩覺林寺

龍爲霖

言登塗山頂歸路冷雲侵動極還思靜高來不厭  
深曉鐘開萬戶夕梵隱千林此境可長住感余世  
外心

宿香國寺

龍爲霖

把炬尋山寺江干一綫通高樓停月小疏竹倚天



空香篆浮金鴨燈花綴玉蟲坐談清淨理茗飲聽  
松風

夏日憶去秋陪高司馬覺林勝遊

龍為霖

故人別已久猶記舊遊遨古寺清陰勝孤亭嘯咏  
高暑思寒處趣散覺聚時豪五馬今何在臨風首  
重搔

和王明府熊峰造訪九龍別墅四首

龍為霖

江臯養拙處一片白雲封何意千崑底居然五馬  
逢叩門驚剝啄倒屣接從容相視但相笑逍遙世  
外蹤

放櫂來三伏艤舟向九龍不辭侵暑氣直擬上雲  
峰聞說中崖寺曾留半日蹤揮毫成八詠

公書遊中崖詩

八餘興及蒿蓬

小墅多幽意使君亦灑然低頭穿亞竹倚樹聽鳴  
蟬筆走江濤勢吟通鳥語天夜歸清興劇徒步下  
寒煙



四郊苦翳晦野氣入漫川皎月臨三徑陰雲散一  
天琴揮流水遠鶴唳清風傳重到巴渝慶人懷清  
獻賢

重過妙峰寺

邑令今 酉陽牧張兌和 繡園 烏程

犖确山行路重來意惘然尚誇筋力健不覺歲時  
遷宿雨霾殘岫深林響急泉下方羣動息昏黑到  
層巔

出郭

張兌和

誰能逐軒冕攬轡喜郊行出郭無三里空堂欲二

更土牆明月色孤枕大江聲夜靜魚龍寂寥寥天

宇清

香國寺

張兌和

言等香國寺落日翳孤墩萬木秋臨水三江月到  
門人煙依磬夕漁火隔林昏為問炎州菓何年結

淨根

渝州惟香國寺有 荔支龍眼二株

舟次木洞

奉節 南園姜會照 如臯

小市人煙簇茅茨綠水灣四圍多古木一望滿春  
山估船爭來去禽聲自往還江風無限好詩酒夕



陽閒

鶯花渡

姜會照

花發媚遊客鶯啼歡酒家春城環二水野渡艷三  
巴香雨流金碧清風度落珈會當攜斗酒買權問  
鶯花

巴署望江書屋晚眺

姜會照

極目長空裏憑欄對晚江歸漁依岸杳宿鳥入林  
雙風掃雲還岫山推月到窻檢囊詩欲就排戶剔  
銀缸

渝城苦熱

什邡胡德琳 書巢桂林

三伏巴渝客高城氣鬱蒸人煙迷漢口地勢俯江  
陵危閣如登棧織絺似裹繒夜深風亦熱何處踏  
層冰

曉過佛圖關

胡德琳

欲趁涼風去肩輿破曉還煙分巴字水日上佛圖  
關早地悲枯稻陸程愁亂山火雲千里色祇益鬢  
毛斑

佛圖關

王爾鑑



憑眺古渝州佛圖崑上頭四圍青嶂合三面大江  
流走壁來清磬凌雲度壑舟身輕無住著俯仰信  
沉浮

塗山禹廟

王爾鑑

字水城東岸塗山禹后家明禋合祀永古木倚江  
斜簾捲龍門月座移星漢槎登臨想疏鑿四日度  
三巴

九日同人江北鎮登高返棹口占

王爾鑑

城南山萬疊城北水雙流雪浪翻明月雲峰接素  
秋好看金菊蕊便渡木蘭舟此會欣同健花前共  
一甌

登塗山亭子

王爾鑑

塗嶺摩天峻危亭望眼殊江山連楚蜀城郭聳巴  
渝萬戶雲爲宅雙虹水作都東川此門戶憑眺一  
躊躇

大佛崖

王爾鑑

靜域凌霄漢高深一覽中江流天地轉山泛水雲



空石像生苔綠崖花落照紅禪關何處叩拂壁度  
秋風

詠覺林寺白蓮花卽眎月江開士二首

王爾鑑

一塢雲深處一灣溪水長仙根移玉井素蕊映方  
塘窺鏡羞濃態凌波自淡粧妙華藏可說我欲扣  
空王

溪迴曲徑通石澗跨雙虹坐月花無影拈花色是  
空碧含千嶺翠香裊一池風欲結廬山社殷勤問

遠公

八月二日香國寺僧柏恒送桂花詩以眎之

王爾鑑

傳聞香國寺巖桂早花開欲遣吳剛去相將老衲  
來清芬含宿露疎影亂琴臺儼到皈峰上秋風坐  
把杯

鶯花渡

王爾鑑

春江明似練春日渡鶯花鶯語隨波轉花香逐浪  
奢詩敲山寺裏酒醉野人家薄暮歸來晚風吹一



艇斜

龍太守鶴坪九龍灘別墅四首 王爾鑑

買棹來三峽尋芳泊九龍幽人何處是一逕入雲  
峰修竹風清袂長江水岩曾憑高攜手處注目倦  
喬松

相攜談素心幽興薄青林鳥弄雲閒曲泉鳴澗底  
琴江帆看下上蓬戶納高深不盡登臨意清來山  
水音

更有清音好書音雲外清捲簾飛嶺翠搖筆走江  
聲蟬語吟風靜山光落照明納涼危坐處拂袖暮  
雲生

暮雲橫黛色新月印長空樹暗秋崖迴江明夜氣  
通灘聲消溽暑天籟發清風羞齒東山屐高吟詠  
謝公

遊重慶鎮博總戎祥澗署內山亭四首

王爾鑑

節鉞臨江滸雲巖擁翠屏摩天撐石柱捧日翼山  
亭濯眼花攢繡籠衣樹染青公餘幽興發憑眺欲



捫星

鑿壁開幽逕編籬引勝行花香浮酒盞嵐氣泛茶  
鐺碁響心非競弓張鳥不驚忘形儼野適拂袖嶺  
雲生

曲逕沿山上層樓貼壁齊欄翻黃葛渡簾捲海棠  
溪拾級心愁脫攀雲路不迷更思凌絕頂峰轉有  
丹梯

孤亭凌絕巘憑檻眼高懸古木陰垂地修篁韻薄  
天江平三峽浪蠻靖五溪煙雅慕綸巾者憑軒意  
灑然

巴渝十二景

王爾鑑

金碧流香

巴山聳秀處金碧有高臺何處天香至疑從月窟  
來江環千嶂合雲度九門開每一憑欄眺清芬拂  
草萊

洪崖滴翠

洪崖肩許拍古洞象難求攜得一樽酒來看五色  
浮珠飛高岸落翠湧大江流掩映斜陽裏波光豔



石頭

龍門浩月

石破天開處龍行儼禹門魄寧生月窟光自耀雲  
根雪浪盤今古冰輪變曉昏臨風登彼岸塗后有  
遺村

桶井峽猿

山鎖疑無路崖幽別有天一溪沿洞入千樹看猿  
懸嘯月誰為伴呼雲自結緣移時出峽去猶聽水  
潺湲

字水宵燈

高下渝州屋參差傍石城誰將萬家炬倒射一江  
明浪捲光難掩雲流影自清領看無盡意雜摩經  
有無盡

燈天水共晶瑩

黃葛晚渡

野渡沙洲晚江寒古木幽迷離無過客髣髴有行  
舟兩岸蒼煙合長天碧水秋乘槎者誰子風送亂  
星流

海棠煙雨



溪邃憐香國山容映海棠輕煙籠曉髻細雨點新  
 妝娟秀寧工媚幽清却善藏每於望江屋獨立  
 睇  
 蒼茫

縉嶺雲霞

蜀山九十九萃此九峰青霞冒懸丹嶂雲開列翠  
 屏光華歌復旦膚寸遍滄溟更孕巴渝脉人文毓  
 秀靈

雲篆風清

風送雲爲御雲盤山幾重如何非象馬偏是走蛇

龍澗影環飛瀑江濤曲泛松徧聞樵子唱餘韻裊  
 前峰

華瑩雪霽

最愛華瑩雪新晴映玉林何須披鶴氅無事待玄  
 陰長嘯聯風月空山自古今光流塵不染清響度  
 崖音

佛圖夜雨

何處花霏雨石靈露自生誰曾收玉液我欲叩精  
 英江鼓雲根動山含夜氣清懸崖猶潤竹風動碎



瓊聲

歌樂靈音

山迥清音遠聿誰弄管絃崖鳴風度壑松韻雨霏

天詎迓吹笙客儼來御鶴仙昔曾賡雅調雲頂寺名

響流泉

山頂有龍泉

夜泊寸灘

邑令袁錫夔

小艇搖明月停橈得寸灘猶聞城市語漸覺水雲寒蛙鼓喧清夜漁燈亂急湍高巖有老衲安坐一

蒲團

和王明府熊峰遊博總戎山亭四首

定遠令周紹縉  
笏庭寧化

舊是蠶叢國何年剩翠屏擎天支一柱拔地起山亭眼濶江空白雲高足步青王郎有佳句憑眺欲

捫星

逕轉峰尤極人如絕壁行江流人語雜煙掠鳥身輕飲羽觀金僕傳籌耀酒兵風流羊叔子攬勝及儒生

節鉞臨江國承平貢白題海棠簾外雨黃葛檻前



溪工部詩無敵將軍禮不泥奇情恣幽討放步上  
雲梯

緩步雲梯下迴崖石嶄然魏公真斌媚呼丈似忘  
年欄引山花曲臺開徑竹偏從容九霄鶴態度各  
翩躚謂同遊者

題焦坪楊傲菴山居集句

周開豐

荒村帶反照

劉長卿

紅樹已經霜

儲嗣宗

月色不可掃

李秋聲一何長

劉春虛

海雲迷驛道

李白

水閣傍漁梁

失得句欣同賞

鄭榮

無心換夕香

失名

懷雙山陳南錫集右丞句

周開豐

不識陽關路高樓望所思孤鶯吟遠墅暮雀隱荒  
枝秋色有佳興白雲無盡時方將事農圃之子去  
何之

寶輪寺卽事集元句

周開豐

一雨洗空碧

黃庚

清歌時往還

周權

疎鐘出煙寺

方瀾

葉瘦秋山

黃庚

海氣連雲起

薩都刺

衡門罷月關

揭曼碩

靜來應最樂

貢奎

相對自怡顏

趙心遠

海棠溪贈友集唐句

周開豐



靜者心多妙杜甫未嘗出戶庭杜甫山中一夜雨王維江

上數峰青錢起小洞穿斜竹張祜寒潮落遠汀吳融開筵

且共賞韋應物扶汝醉初醒杜甫

九日渝州書院社課

周開豐

已近重陽節雨深何所之幸存陶令酒可續杜陵

詩雁字橫空過錦囊入袖持吾齋頗高曠來就菊

花期

巴渝十二景

周開豐

渝州舊傳八景中有毫無意趣者邑侯王公

熊峰修縣志以其身所親歷皆確然靈異而

世人多耳食者易舊增新釐為十二景各為

小記賦詩詠歎之愚亦各綴一詩附於左

金碧流香

金碧遺基在閒來步夕陽輕颺何處至虛谷異花

香無意偏清妙移時合渺茫杏壇原咫尺寧止接

甘棠臺左即縣學尊經閣右府署後圃

洪崖滴翠

空洞西城地洪崖何代名常懸微雷下直入內江



清苔翠晴逾潤金波晚更滌留題人未遠高詠謝  
宣城

龍門浩月

水亦岷江派山仍夏后村何緣邀月影別自映雲  
根秋掃黃魚脊波迴玉兔魂神功遺跡杳此地問  
真源

桶井峽猿

桶井多奇勝尋源景不窮好山偏窈窕曲徑更葱  
籠挂樹千猿躍窺天一線通桃源花落處幾度誑

漁翁

字水宵燈

繞城皆是水不夜自爲天星繫青天上燈明綠水  
前光輝饒燦爛波浪共澄鮮誰詫姚江異神燈作  
記傳

黃葛晚渡

渝江秋色老野渡暮生寒天水蒼茫合煙嵐縹緲  
看情無人共語似有艤橫灘極目層城上風高更  
倚欄



海棠煙雨

羣山皆玉削幽趣獨棠溪春暖舒微步朝來覓小  
蹊名山涵鏡裏殘月隱樓西窈窕殊難肖含情帶  
雨啼

縉嶺雲霞

誰分靈鷲秀于此作雲山山到九峰靜雲流一派  
閒赤城詞賦裏黃海畫圖閒早歲爲霖望無心笑  
掩關

雲篆風清

險絕奇方絕雲生風亦生冷然如可御曲處恰堪  
行樵響穿雲入風飄挾澗鳴低徊逢暮色更覺此

山清

華瑩雪霽

華瑩峰最秀雪霽更相宜幽訊梅花處寒披鶴氅  
時崑岡堆碎玉琪樹偃疎枝別墅他年闢吟公淡

遠詩

王公于此山特  
取雪霽曠解也

佛圖夜雨

勝地雄關重靈蹤寶氣儲江潛通小有石畧表虛



無夜碎如珠屑朝凝信玉膚一時平野渥珍重抵

璠璣前人有鑿石求寶者故未句及之

歌樂靈音

茲山深莫測度越衆香林天樂傳虛夢眞靈奏妙

音瑟從湘浦汎句向蓋珠吟未讀王喬賦誰採造

化心王公有歌樂山賦

九日登五福宮酤飲無酒

進士羅醇仁濟英邑人

辜負登高約空來五福宮有心脫絳佩無地買鄣

笏射鴈懷仙客升臺憶宋公不如且歸去待酒菊

花叢

重九登新開山小峰

羅醇仁

未極登高興先攀第二峰蒙茸埋野徑怪石倚孤

松俯視桑田濶遠觀煙霧重飄然臨絕頂無礙白

雲封

上元日遊香國寺

王清遠

買棹上元日尋春古佛家垂垂綠桂子片片白梅

花對客頻呼酒看僧細點茶吾廬眞可愛一水枕

窻斜



郡樓晚眺二首

孝廉

王

汴

子浦  
盧氏

郡樓壓市井俯仰自瀟然卷幔千重翠飛欄一滯  
煙晴歸村舍外人立夕陽前寧復知闐闐清風落  
半天

山色蒼逾幻江容綠未齊春風黃葛渡斜日海棠  
溪目力窮遙象人煙帶小蹊沙禽時復語綽約晚  
林西

中庭對月呈陳二泉望江書屋

王 汴

蟲聲不到處月色半庭多仲夏清如此高齋與若

何露垂疑雨下禽動似人過未有敲門客閑行發

浩歌

渝州初秋

王 汴

蒼茫圍野色秋興寄林端細雨山風斷高城石氣  
寒三江潮近峽杯酒客憑欄白帝恣蕭爽誰歌行  
路難

渝州九日招吳留村望江書屋登高

王 汴

今日重陽酒臨窻懶獨持遙知栗里客閒把菊花



枝水國生寒早峽風落木遲何如江上閣同醉雁  
來時

和周梅厓九日書院元韻

張以毅

節序催人老重陽倏近之甕浮桑落酒籬待菊花  
詩短髮誰爭笑奚囊未敢持書齋名勝地端擬赴  
幽期

上元日遊香國寺二首

張以毅

上元風日靄香國作春遊江涸行無浪舟輕泛似  
鷗孤亭崖半立古桂院中幽移步看城郭橫空翠

色浮

滿目皆春意登臨愛物華野梅將結子山杏正開  
花白鶴名誰易清流寺抱斜良辰兼美景相對興

無涯

慈雲寺

貢生

張宗蔚

彬儒  
邑人

聽說慈雲寺深幽鎖二橋山迴青嶂合溪曲白雲  
飄僧塔燈常在杉松葉不凋何年尋勝境蠟屐任  
逍遙

遊寶輪寺

孝廉

陳廷閣

一泉  
邑人



撥雲尋古寺崖破洞重開山鳥驚人起江流抱石  
回天飛嵐外翠霞落鏡中杯踏過空王界深篁闢  
草萊

早度佛圖關

陳廷閣

侵曉出巴山清風好度關人煙青樹杪鳥影翠微  
閒絕頂何緣上中峰正可攀僕夫征意疾耕者自  
閒閒

丁丑重九遊香國寺

陳廷閣

名山此第一重九得重遊人淡黃花酒風高碧樹

秋吾廬思亮叟方丈見瀛洲興極江天暮寒雲自  
去留

渝州曉發回合陽舟中作

合州王采珍 崑崙濱州

曉霧連天碧扁舟帶月行波迴巴字水帆指釣魚  
城飛瀑蓬窗落晨星樹杪明漸聽沙市裏人語亂  
雞鳴

夜過溫湯峽聽瀑布

王采珍

泉飛千尺瀑月載一舟行豈有蛟龍窟而來風雨  
聲泠泠醒客耳脉脉動吟情緬想濂溪子新詩許



載賡

周元公簽判合州過渝有溫泉寺詩

巴江晚渡

蔡維鎮

靜菴成都

薄暮歸來好風光入眼清波晴開晚鏡岸迴隔秋城煙只一舟渡江燈萬戶明此身如畫裏叉手動吟情

金鰲寺

貢生苗

濟方舟邑人

躡步尋幽徑金鰲最上層石梁橫跨澗老樹倒垂藤寺隱藏千界禪空現一燈名山留舊蹟文鳳幾飛騰邑中前輩多讀書於此

太白崖

僧海

明破山

太白危崖路凌風獨杖藜家家松影合處處竹煙迷雲懶歸秋壑風高落晚溪騷壇詩骨在傳與夜鳥啼

遊華崖寺

道人穹

隆

開士義何如蕭蕭物外居萬緣傳布衲一杖撥園蔬雲片依天寂泉聲入夢虛華崖無住相瞻禮莫躊躇

堅牢墩

僧德

玉聖可



大千尚有壞何物可堅牢建以靈於地到而人亦  
豪瞻崖揭盡意詠澗瀉湫濤那事不千古誰為損  
一毛

春日偕友遊覺林寺

僧清 純半禪荆南

覽勝乘春興同人到覺林四圍山護竹一帶樹留  
禽鐵筆書雲表冰泉界碧岑幽崖風細細緩步發  
清吟

遊香國寺

清 純

此地煙霞古今來始信之竹深三徑僻春老一花  
垂隨意探陳迹分明認舊碑幾時容洗鉢拄杖復

題詩



送劉意對刺殺令問精警斬吳郡參軍檢封封更

題詞

七言律

唐

送周使君罷渝州歸郢中別墅 劉禹錫

君思郢上吟歸去故自渝南擲郡章  
野戍岸邊留 畫舸綠蘿陰下到山莊  
池荷雨後衣香起庭草春深綬帶長  
祗恐鳴騶催上道不容待得晚菘嘗

宋

渝州寄王道矩

蘇軾

曾聞五月到渝州水拍長亭砌下流  
唯有夢魂長



繚繞共論唐史更綢繆舟經故國歲時改霜落寒  
江波浪收歸夢不成冬夜永厭聞船上報更籌

恭州夜泊

四川制置使范成大 致能吳縣

葦山礮礪強田疇村落熙然粟豆秋翠竹江村非  
錦里青溪夜月已渝州小樓高下依磐石弱纜東  
西戰急流入峽初程風物異布裙跣足總垂瘤

溫泉寺

狀元馮時行 當可吳人

借問禪林景若何半天樓殿冠嵯峩莫言暑氣此  
中少自是清風高處多岌岌九峰晴有霧瀰瀰一  
水遠無波我來遊覽便歸去不必吟成證道歌

明

寄子劉春登第

御史劉規 省齋邑人

吾年廿五以生汝今汝離懷廿五年對策御階誇  
獨步傳臚金殿喜爭先臯夔事業諸書載周召勛  
名萬古傳寄語汝曹力珍重寸心期不負蒼天

贈劉春劉台

太保楊廷和 介夫新都

君家兄弟好文章經學淵源有義方奪錦兩刊鄉  
試錄凌雲雙立解元坊大蘇氣節古來少小宋才



名天下香從此聖朝添故事巴山草木也生光

贈劉春劉台

大學士李東陽賓之長沙

每愛西川玉一雙獨承恩旨到鄉邦長途未畏連  
雲棧勝地終誇濯錦江舊喜文場先入彀近看史  
筆已如杠鄆筒載酒秋初熟隔座生香透碧窻

贈劉春劉台

大學士謝遷子喬餘姚

繡衣遺老未成翁金匱仙郎早錄功家有甲科傳  
世屢郡名重慶與堂同蓬萊絕頂天仍近灑灑高  
時峽始通莫學相如誇漢史上林詞賦待才雄

嵩公別業

即市平寺禪藻亭

探花楊

名方洲遂寧

上人結舍西山頭人跡不來終日幽黃鳥竹底對  
對宿青雲樹上時時留入定忽然瞻法相悟真久  
已超緇流欲借洞門關小隱風塵牽絆何年休

銅罐驛

楊慎

金剛灘頭寒雨歇銅罐驛前朝望通天轉山移回  
合異春添江色淺深同巴農麥隴層雲上楚客楓  
林返照中水底鯉魚長尺半寄書好到錦亭東

暉都綱授職還渝

劉春



巍巍古刹傍塵寰曲徑深幽水半灣翠竹參差侵  
佛座白雲布護映禪關夢因懷土等常到仕偶逢  
時尚未還惜別為君真繾綣愧無文字送高閒

登塗山

四川吳禮嘉 鄞縣  
巡按

青雲邀我入塗山積翠空中想玉顏四日當年離  
大禹九疏億載造區寰江流滾滾雙龍合松逕迢  
迢獨鶴閒吊古臨風開晚酌坐聽幽澗自潺湲

登塗山後作

張稽古 仰素

清江一望轉山巒遲我行來趣自謬十里路懸多  
宛轉幾家人住少塵囂登樓酒興人頻發回首山  
靈欲再招夜靜歸舟分棹處忽驚星斗落寒霄

題溫泉寺壁

重慶郡守  
歷川藩 朱孟震 新淦

山如翔鳳瞰江濤靈液中涵太古春永日暫分禪  
榻半十年初浣客衣塵清池見說魚依藻曲徑時  
聞鳥喚人多少瘡痍憐未洗可能掬取散天津

溫泉題壁

御史盧 誰 師邵  
巡按

雲山獨上會江樓又下巴渝欲送秋江上波濤小  
三峽燈前風雨一孤舟溫泉見說能除疾濁酒沾



來一解愁野鳥有情俱水宿夜深清夢繞滄洲

重經溫泉

盧 雝

峽裏湯池別貯春四時和氣日熏人魚游百沸仍  
依藻火厝重泉不待薪病骨浴餘應勿藥征衣振  
後更無塵再來幸不遭風雨我與名山有夙因

重慶

吳 臯

一片石頭二水環天墉城闕破愁顏逐家嵐氣生  
衣上隔市江光入座聞鶯羽晴歌明月峽橙林春  
點縉雲山玉珍何物能勝此設版清朝擬重關

輓任侍御封翁二首

侍御巴兵部員外  
縣人楊繼盛 仲芳  
峽城

巴國指南思定祖九真遺澤長孫留琴臺蘇合乾  
坤老字水煙橫天地秋寂寂寒雲覆隴樹淒淒疎  
雨暗江樓欲知身後流芳遠今日龍池有鳶頭  
生芻廬外悲風鳴一曲哀吟萬古情五友亭閒山  
樹暗三槐堂寂月華明巴人淚落嘉陵水澄野歌  
連上蔡城 自注任公先為澄  
縣尹後為上蔡尹海內知公身不死南  
臺伯雨振家聲

禹廟

重慶太守傅光宅 聊城



披雲載酒碧山頭俯仰江天散旅愁一水西來分  
瀚海萬峰東去繞神州尊前雨色籠禪院樹外晴  
光射郡樓終古平成思禹績乾坤誰信等浮漚

佛圖關紀事二首

重慶鎮

劉

綖

省吾南昌

當年先業樹蠶叢奕葉何堪振父風自信承家慚  
長子敢云報國紹元戎兒童舊頌平蠻績父老新  
傳勦播功武烈謬叨綿世澤孤忠一脉貫長虹  
東逐西馳歲又深凱旋駐馬漫開襟三巴兵革龍  
泉迴六月烽煙鴈字沉關塞自惟憐白髮廟廊誰  
爲暴丹心良弓鳥盡應無用緩整魚竿釣海濤

凱旋駐師渝州述懷二首

劉

綖

韜畧無能繼父風西川前後領元戎重慚推轂握  
兵柄敢倚平夷數戰功奕世君恩延賞久累朝官  
誥錫封隆何當兩地無寧日兵火年年一樣紅  
逆豎頻煩西顧憂簡書重命運前籌斬關聊施羸  
驢技破圍應消汗馬愁一念孤忠懸日月千年公  
論付春秋太平自是無征戰且脫戎衣歸馬牛

駐軍佛圖關

太僕

劉時俊

勿所榮昌



軍駐嚴關扼上頭凭欄百里望皆周羣山翠點高  
低列兩水清涵上下流地險我何妨進退城孤彼  
自受羈囚一時縱目還生喜釜底游魚可待休

讀劉縱將軍佛圖關石刻有感 劉時俊

後事宜從前事求奢酋未必勝楊酋朝中命甫三  
推寄闡外功旋一陣收錦字石閒空萬古鴻名紙  
上重千秋邇來舊業堪追否自笑將軍亦姓劉  
喜二子自江南來攜硝磺到渝助軍

劉時俊

導征久已愧庸才家事何嘗復念哉江外忽驚雙  
槩至膝前瞥見兩兒來勤王早覺親恩重赴難還  
將國用裁移孝作忠惟此際一番喜動轉成哀

皇清

涵園二首

相國王非  
熊別墅

劉道開

興廢何常為甚嗟此園當日擅繁華無人敢覩移  
來石有鳥偷啣落去花竹樹幾坡堪種菜鼓吹一  
部舊藏蛙百年未滿三更主  
先屬馬氏繼  
蹇氏後王氏何事先  
生認作家



倪園草木未全荒又見王園作牧場降寇劉維明牧馬王園

滕髯昔遊忘地主府幕滕伯倫常攜尊終日入遊不問主人作函園不見主人詩

蹇癡有託賦山羊有山羊入園蹇海驕作山羊賦譏之雖然一代推

金谷那有千年永保疆地下若逢巴蔓子園內舊有巴蔓

子墓公移去石坊疊山石滅之豈宜侈說我箕箒公會題曰吾箕箒谷

溫泉寺在巴合之開三峽之第二也劉道開

兩巖環抱法王居峽窅林深靜有餘幾個長松巢

野鶴一池溫水躍神魚僧無白社能供酒客有青

燈好讀書聞道清華真富貴鼓聲過後不如初

赴王春石閣部召因進蜀事問 余 价

傾厦誰能一木支驚烽垂望幾興悲郊原到處餘

戈刃輪輓尤多盡髓破大體漢廷推丙吉救時唐

室紀元之膏肓蜀病同心切鈞軸如何慰杞思

步渝荆南道王 璲元佩廣安

層城緩步望渝州雉堞危岳拱上游恨別江淹俱

有賦亂離王粲強登樓灘通遠峽湍流急草滿荒

原鼓角愁聞道楚秦兵未解長天極目戰雲浮

奉和文衡席覺海先生渝城秋感二首



張安絃

巴月灣頭羈旅身解頤重席隔清塵文成落魄難

齋獻家徙名山不告貧秋日化鵬慙辟士江天哀

鳥伍流民李門倘御肩囊候野贄低徊千里萼時先

生招試  
因志感

寒寺屢將身問心前生慧業可參今北南鴈陣排

無字左右蛩鳴亂有音地入塗山悲禹甸星移巖

野憶商霖先生乘除已值西流火挾纊投醪謝一

寺

蜀中人士有生成重慶之謠擬詩為記八月十

日八夜夢題府署止憶領聯醒而續之上郡憲

陳真亭先生

張安絃

咄嗟閬白幾迴灣輪廓欹斜山水閒山作城墻崖

作柱水為鎖鑰峽為關生成地險天疑下登步堂

高日可攀俯瞰蘭臯追勝蹟存餘灰劫惜黃菅

登重慶府澄清樓

四川鄭日奎次菴  
貴溪

扁舟來過古巴國獨上危樓一縱探城郭大都依

壁岸人家一半住煙嵐招賢館廢荆榛長來鳳山



荒鳥雀參惟有滔滔渝閬水流將旅恨下東南

遊華巖寺訪聖可大師四首川東王孫蔚

遠尋精舍虎溪邊中有幽人絕世緣乍許陶潛來

白社何妨陸羽煮紅泉行經花雨時聞偈坐聽松

風忽悟禪共說無生機欲息掃雲且上石牀眠

彌天何處問生涯一壑一卬卽是家小徑交藤陰

翠木香臺古額映青霞猶餘慧可門前雪誰解維

摩笑裏花高足瞿曇皆宿慧不知若個付袈裟

山中卧石似黃羊雨霽心齋謁晦堂明月饒提都

講麈梅檀不作逆風香孰茶長史官仍拙愛鶴沙

門興自狂偶欲摩崖題墻下揮毫卻媿紫瓊霜

十笏相傳甘露門曳藜方外素高存都無一語安

心竟豈假三番喝棒尊澗道松風梳石髮香溪法

雨護桐孫眼前魚鳥欣成趣支許真全仔細論

遊華巖贈聖可上人二首 孝廉 鄧 廸 惠吉 邑人

緩步林蘅向夕曛鼓鐘殷殷隔山聞色香過眼知

花雨去住無心是岫雲地可鋪金存半偈客無留

帶示奇文師今久具人天目信手拈來慧力勤



石磴松陰度碧岑  
幽人寶地白雲深  
瞿曇撫檻非珠玉  
日月沿崖繞帶襟  
一杖到來今日路  
數言開示古人心  
披風欲識廬山面  
詩句新從惠遠吟

權石

何仕昌

天邑人

沿江磊磊皆頑石  
惟爾如權獨擅名  
貴賤任從時輩論  
錙銖孰與世人爭  
銀鈎每借新秋月  
字水長拖碧玉衡  
稱盡古今多少物  
自家輕重許誰稱

退隱

訓導

王徽

與恭邑人

謝職歸來樂晚年  
溪邊水繞草堂前  
壁穿自和新泥補  
窻破教尋舊紙填  
綠竹挂衣涼處歇  
清風展簟倦時眠  
醒來遣興惟詩酒  
那管夕陽偏不偏

送簡謙居之右江

施閏章

愚山宣城

龍江象郡路何長  
嶺嶠今非瘴厲鄉  
南楚銷鋒諸洞靜  
春風擁傳百花香  
濯纓鈞錡潭還在  
酌酒羅池廟未荒  
揮手離亭莫惆悵  
中朝才彥半門牆

以銓曹督學江南

春日同劉學博出郭省耕

王邦鏡

出郭行春繞澗幽  
東林僧舍好淹留  
馬因戀棧嘶



偏急鳥為催耕喚不休雨濕巖陰苔自長煙籠石  
罅筍新抽先生此際饒佳興童冠相隨咏勝遊

龍門浩月遙和程節推韻

王邦鏡

禹門山勢鬱嵯峩掩映中霄玉宇和庾亮登樓賓  
正滿王猷鼓棹興偏多夜光投處逢青眼寶篋開  
時見素娥聞道陽阿空郢調聯行可許和高歌

聖燈山絕頂

程春翔

步虛衫袖等飛翎石磴盤迴欲接星兩足踏平千  
樹綠雙眸收盡萬山青煙中江練徐徐轉風外松

濤細細聽那得結廬消夏日坐消香篆讀黃庭

渝州送友人歸樵李

余

澗

宗建  
山陰

白駒待秣繫長楸仰視蒼蒼手一甌塗嶺孤雲時  
帶雨山城五月夜如秋丈夫高舉原無定僕子廻  
尊且暫留倘遇故人相問訊為言客况滯渝州

漑蘭溪訪友

程

衡

公權  
江津

果然此地絕風塵幾欲相求已暮春竹裏遺蓀搖  
鳳尾溪邊小浪織龍鱗到來恰見如珪月坐久渾  
忘賣藥人却憶當年杜陵老寒山無伴語津津



王貞女

兩江高其倬  
制府 章之  
錢嶺

鸞委桐孤悵舊姻簾蛛懸網鏡生塵夢迴不識紅  
絲墻身在翻因白髮親廢瑟無絃調艷曲鷓鴣留  
血哭殘春可憐誓死懷清日未及平頭二十人

王貞女

韓城  
向日升 華陽

所天云墜復何之苦節心傷未結襍一日絲蘿空  
有約百年甘旨更誰推登堂遽蝶頻驚夢展墓秋  
猿幾斷枝從此綱常歸閻閻冰操磊磊著坤維

懷龍雨蒼先生

御史張漢  
月槎  
石屏

風流文采照江濱杖履曾經役遠神三折如巴學  
字水五雲噓氣姓龍人浣花牋少揮毫用章草書  
能借指新懷想憑高臨九日緘封乞趁雁來賓

月下與周梅厓看玉樓春牡丹 曹龍文

月浸平臺花氣清玉樓人醉枕初橫為憐半臂中  
宵冷遂覺春愁一夜生蝶夢沉香風葉醒粉沾脂  
暈曉光輕青蓮去後音塵寂今夕聽君擲賦聲

冬暮舟宿清溪埧

徐啟後  
會村

溪口人家疊嶂環黃茅獵獵水潺湲行而如醉嶺



頭月招之不來江上山鶴鷗日挾寒風嘯碩鼠時  
穿老屋還喜近陽和春有信一樹梅花映竹關

渝城書懷

徐啟後

蜀門未必勝登天鄉信無聞又一年老去脊令音  
寂寂夢回梁月影粲粲敝廬直自支風雨叢卉分  
誰布几筵暮雪倚樓頻悵望暗香浮動野梅邊

金鰲寺

提標程遠  
通修

勝友名山出取次登金鰲得得一枝藤削成太華千  
尋矗繞出長江一帶登斲筍就燒杯遞舉采芝旋

煮月初升上人引我巖邊立指點冥濛遠處燈

渝州懷古

永川沈鏞  
介山

奢酋呼吸據江城天險徒聞阻義兵智勇豈無齊  
入網忠勤幸有一潛行秦廷碩畫言言中錦繡元  
戎隊隊精復楚洪功全忘却巴人話舊不知名胡

廷表問道赴石柱  
請秦良玉援渝

渝州晚望

江油朱樟

高城遙望綵雲閒粉堞參差護市園帶火帆檣斜  
背郭上燈樓閣半銜山渝歌三疊催紅酒賓弩千



家領百蠻聞說遨頭裘屐集過溪人滿海棠灣

渝州雜感七首

劉慈

遠連秦楚近烏蠻巴國提封萬仞山五水波濤爭  
峽口九門城堞倚雲閒蟻生斷鎧曾聞珥虎衛窮  
山早嘆顏自古興亡惟在德李侯空自鑿雄關  
大州名勝蜀江邊楚客吳商滿市塵蓬旅簞成難  
計日墮林粉出不論錢花邊盡舫洪崖下郭外青  
樓大道前回首可憐消滅盡祇今惟有舊山川  
遙望丹樓似彩霞華陽形勢此堪誇城中戍擁三  
千甲水面人居五百家碧藻亭空衰草合清風閣  
迴夕陽斜無心更向涵園去秋水池塘吊落花  
金沙岡畔石城西選勝曾聞散馬蹄賈客晝眠明  
月峽遊人春在海棠溪園中置酒攀丹荔臺上吹  
笙祀碧鷄最是勤勞思夏禹塗山古廟夜烏啼  
賢良青史舊書名奕世猶傳祀事明三烈魂銷巴  
子國二難功盡釣魚城蛾眉樹幟能摧虜龍種依  
人止寄生爭似張君仙去好嶺頭鸞鶴伴吹笙  
害氣消殘井絡昏衣冠人物冠中原銀牀汲處留



香骨黃鳥鳴時見  
淚痕孝婦石傳哀  
柳岸塗君祠  
隔暮江邨宋明卿  
相人無數過眼豪華未足論  
豪家大族半嬌憨  
夢到來生意更貪是處神叢門  
凹凸無多民力盡  
西南飛仙觀側花千樹古佛巖  
前月一龕福果未成桑海變  
洛陽空記舊伽藍

題陳龍巖書室

孫復初次園桐城

南賓才子意何如  
家對塗山此卜居  
近市且芟三徑草  
閉門高擁百城書  
長江水落寒秋月  
古堞樓空過客車  
茗飲微吟知自足  
我來還坐夜窻虛

九月東城見江水猶壯

信豐令陳乃志錦石邑人

曾道三秋潦已盡  
渝州水候異他邦  
只緣地滙西南派  
遂使濤洶內外江  
風雨驟來聲浩浩  
舳艫遲上影幢幢  
澄清應待冬寒後  
誰解停橈避落灘

和周梅厓元韻留別

雲南劍川牧高爲阜守村錦山

人境真教得地偏  
休論輕後與軒前  
不從名勝逢佳士  
何處疎狂露性天  
巴國峰高猿鳥接  
岷江秋老水雲連  
朝來又作題襟別  
尺素應勞寄遠篇

夏月宿江北山禪院

江北山在白市驛

羅愔



勝地雄居崑上頭到來溽暑渾如秋窻臨絕澗松  
聲爽門拱羣峰日色淨好挹活泉烹活火便從清  
徑得清幽名山自是僧家有騷客何緣作久留

人會勘華鑿山二首

重慶太守林興泗

容齋

拾級登高高轉幽陰森夏木萬行稠蟬聲不住廢  
泉韻風色何曾下嶺頭山露涼過深夜雨筍輿牽  
似上灘舟辛腸鳥道平生慣不信人閒有道周  
漫墮東林<sub>本</sub>園壁陰幾年源委得追尋虎狼一日無  
形影只東<sub>山</sub>日<sub>月</sub>照臨公牘祇完命吏事慈航不

羨<sub>三</sub>心無<sub>端</sub>泥水莊嚴相惹起閒愁直到今

答海州林太守興泗二首

道人張清夜

自牧長洲

改罷研經滙日川言詮脫處頓忘年望雲眼逐渝

樓外出<sub>水</sub>心<sub>西</sub>巴峽邊素著丰標真鶴立時餘惠

既賞茶<sub>香</sub>新<sub>梅</sub>秋杪君知否六六宮中另有天

真<sub>空</sub>乘<sub>雲</sub>共<sub>過</sub>川誼高更自恤衰年俸錢漫檢奚

囊<sub>內</sub>三<sub>子</sub>遠<sub>以</sub>落雁邊交有淺深真處得形忘貴

言<sub>不</sub>傳<sub>道</sub>人相贈無多語雲捲長空見性天

龍爲霖

龍爲霖



九年豐自漢沿明說不同證以新篇重  
空蛟龍淵宅司天運水石餘  
采風賢太史可堪响嘯竝稱雄

龍爲霖雜詩十首

龍爲霖

同九龍耽幽僻性幾人同澹煙籠日春  
暮靄中萬个竹搖三徑雨千林鳥  
從今習靜觀朝權世路埃塵一洗空

泉澹我襟愛他豁達亦幽陰春風鳥雀晨  
龍夜氣深把酒看山添逸興倚松展

卷發微吟便 煙樵叟班荆語一片開雲野鶴心

何必拘拘造 疑老人凄冷最相宜榭陰一路山

風轉雲影千 海燕窺愛潔盥將朝露和養開枕

就夕陽支鵲 聲喚起幽巖月更上青天照夜思

幽襟隨處趁 天機那問人閒是與非野鶴夢中春

意懶 外月陰微種松尙恐風驚耳護竹何

到山行無遠近鳥啼花落澹忘歸

看物象紛堪娛老眼慰辛勤和風新筍茁

千穎旭日雛雞散一羣雙鬢幾年懸積雪孤懷隨



地寄浮雲時雨境靜心偏遠帶露鐘聲隔岸聞  
此心不繫亦不移物我相忘處處宜江上輕風迴  
燕子池邊細雨長鵝兒種花種果亦聊耳呼馬呼  
牛且任之世爭浮雲何足問閒來高詠把松枝  
漫學莊生號物齊眼前細路幾高低漁歌帶月憑  
穿竹牧笛隨風任度溪化蝶夢回蝶正舞聽鶯酒  
盡鶯去啼王孫芳草知何限獨出看雲且杖藜  
炎炎夏日漸舒長野岸優游暑亦忘插竹試看江  
漲猛平沙待學鳥書狂心清自是消閒訣身靜原

爲却老方無事且依古樹坐閒看歸客送斜陽

江開古浪花冥冥秋氣浮空上遠汀晚煙孤鳥雲  
中沒落日數峰天外青挾彈揮將魑魅避攜琴操  
與蛟龍聽如何四野成焦土抱寶長眠竟不醒  
戰遍金風大火流一天雲影自悠悠荷珠低瀉清  
池露雁字高橫碧漢秋蟋蟀聲悲人按笛梧桐月  
上客登樓長空萬里思征婦幾許深閨出塞愁  
踏青過巴蔓子墓  
龍爲霖

刎頸高風懸日月存城舊事邈山河行經西路孤



日東志 卷十六  
墳慣思入東風芳草多得如此臣真足矣無降將  
軍更如何廉頑立懦歸忠魄歲歲遊人莫浪過

登塗山絕頂

龍爲霖

禹績千秋著此山同人乘輿陟屨顏辛壬癸甲事  
如昨日月星辰手可攀片葉沉浮巴子國雙虹襟  
帶佛圖關凌霄意氣堪今古不負浮生半日閒

秋杪陪高守郵登城西高亭

龍爲霖

重陽已負登高約秋老何因續舊緣爲欲勉留名  
士蹟不妨殘醉菊花天眼前萬戶侵霜冷鳥外孤  
亭逼漢懸一曲陽春回大化臨風頓覺似裝綿

三忠祠

龍爲霖

協守孤城死所甘賊曹虎視任耽耽光爭二曜真  
無二力荷三綱賴有三當日真卿原罕識至今許  
遠尙疑談可憐身殉心誰白納欵迎降詎不慚

牛角沱弔殉難董司馬

龍爲霖

白鶴庵前巨石峩大書忠烈鬼神呵年年鵑血啼  
歸好處處漁歌喚奈何一點心懸山吐日九迴腸  
寄水旋沱可憐蔓子猶遺塚獨吊寒江酌逝波



月下登澄鑑亭觀渝城夜景

龍為霖

渝州形勝本峻嶒向夜清幽覺倍增欲攬全城露  
中景寧辭絕巘晚來登一亭明月雙江影半檻疎  
光萬戶燈獨惜鐘鳴人盡睡探奇何處覓高僧

九日偕書太守登塗山即景二首

川東道張九鑑橘洲湘潭

渝城繁劇冠巖疆為政心慙補拙忙郡接使君行  
五馬節遙佳日報重陽文山嶂外芙蓉碧字水村  
邊橘柚香但願風清兼俗美詠歌何處不陶唐

覽勝亭高石磴盤

澄鑑亭易名覽勝

天風吹上碧雲端深

秋鴈字三湘遠古寺煙鐘九日寒豈效登臨工作  
賦從來清白重居官周巡好換茱萸景滿路棠陰  
次第看

謁塗山禹廟

邑令張兌和

門外岷流捲白沙昔年胼胝遍天涯一篇禹貢開  
王會萬古塗山識后家虛壁雲霞新敝冕深村歲  
月舊勲華辛壬癸甲閒追數肅肅靈椿噪暮鴉

渝城爽心閣晚眺

鄰木陳觀光



爽心閣上淹留客徙倚危闌趁晚風夾岸波燈人  
隱見橫江煙霧月朦朧誰家子夜吹長笛何處清  
歌繞碧空鄉語征帆切歸思夢魂先已過巴東

遊覺林寺

丙子閏九日遊此適居停王  
熊峰大尹遣使送酒過江

蔡維鎮

涼煙秋草路紆迴淨域尋幽無點埃客子詩情憑  
檻得主人旨酒隔江來青園四面寒山合黃到一  
枝瘦菊開難得相逢逢此日望鄉重上最高臺

又登塗  
山亭子

五福宮遠眺

邑令王爾鑑

清都高聳古渝巔袖拂渝州萬戶煙兩派虹盤一  
宇水千帆蟻聚九門船幾回城破江山在無數雲  
擎日月懸我倚危欄頻眺處霏霏花雨落遙天

佛圖關

王爾鑑

春風促馬出城來縱目佛圖上九垓江勢曲隨山  
勢轉禪林高傍竹林開雄關扼要吞吳楚繡陌梯  
雲闢草萊詎為耽幽戀靈境踞巖覽勝一徘徊

宿天池寺

王爾鑑



天池寺抱翠微中靜域無塵曲徑通面面雲林籠  
夕照聲聲鳥語弄春風僧非識字長年靜我亦忘  
機萬念空相對一團棕榻上夜深簾外月溶溶

天台寺

王爾鑑

平生夢想到天台曲徑幽通淨域開借問苾芻尊  
藥去可曾神女踏雲來簾垂瀑布色如練座起松  
風濤泛雷即此棲真遠塵市漫勞鳴珮動人猜

晚泊朝天門坐月

丙子七月初十日復任巴縣

王爾鑑

蘭橈日暮泊朝天俯瞰波明浩月懸新漲遙從玉

壘至孤舟重向字江還風清韻逐巴渝曲岸迴高  
牽吳楚船莫道迷離燈火亂夜來猶認舊山川

浴溫泉寺溫泉

王爾鑑

石竇靈湫瀉縉雲聿占山火易離下艮上為山火賁氣氤氳

松風度峽泉飛韻魚藻含春水織紋可能去疾分  
茅屋聊用清塵坐夕曛浴罷僧房茶已熟池邊猿  
鳥自為羣

九日登豐瑞樓雅集四首

即府譙樓

王爾鑑

九日登高趁好辰為憐豐瑞佩萸新堆雲四野初



收稻犁雨千畦更播春佳節逢年詩下酒黃柑紫  
蔗主宜賓何須會上龍山飲共倚層欄有風因  
雲淨長天望眼多眼前景物儘娑娑海棠簾捲霏  
紅雨岷水欄翻轉碧波萬里風帆聯楚蜀九門華  
屋疊巖阿登高漫賦他鄉句一俯江城一放歌  
江山繡錯抱江州靈毓招人仰素秋蔓子名高巴  
塚在塗峰秀削禹功留於今丹檻風清袂終古黃  
花人倚樓莫羨東籬籬下客村醪只共白衣甌

盞簪憑眺興皆同雲捲斜陽暮靄空把盞明邀千

嶺月披襟靜納一樓風七年重賦巴渝曲九日高  
騫朔漠鴻悄倚危欄歸去晚江天煙雨自濛濛

登望江書屋秋眺

王爾鑑

久虛登眺豁雙瞳此日憑欄淨碧空三面江聲千  
嶺樹半巖秋色一簾風遙情每寄銜山月壯志難  
酬貫日虹贏得眼前樂趣在漂波身世付鴻濛

重過紫霞山雲臺寺

王爾鑑

亂山翠擁入雲深重扣禪關淨俗心老衲歡迎會  
宿客空齋高挂舊時吟梅花綴雪壑寒骨松葉呼



風奏好音坐久不知雲在處依然舒卷度遙岑

渝城清明次王熊峰明府韻

姜會照

高屋臨江望眼明塗山翠繞字流清况逢佳日懷  
應敞為憶鄉園涕欲橫楊柳風牽千樹雨杏花春  
唱一肩錫輞川有句能遺我頻遣瑤箋引玉觥

巴署靈湫

姜會照

何須瀑布捲風煙一勺甘分曉露天古樹潛滋黃

葛嫩泉在黃葛樹下碧流暖映畫堂鮮官厨竹引涓涓注

茶鼎香分細細煎應比使君清徹底嘉名我欲錫

廉泉

月下登塗山澄鑑亭觀渝城夜景

劉會

清光遠照塗峰頂數仞孤亭挈伴登乘月欲窮千  
里目隔江遙見萬家燈樓臺高下光相蕩煙霧橫  
斜氣自蒸幾許遊人歸趁晚良宵美景妬山僧

渝水秋聲二首

顏紹緒

釋堂吳縣

征思無那苦閒關綠草丹林滿目斑雪練倒流明  
月峽露珠飛度縉雲山鴈橫孤閣悲天遠帆亂清



江數客還影颯鬢毛羞不了空餘桑者意閒閒  
獨有長鞭騁歲華笑看天地一匏瓜劍鳴巫峽秋  
濤湧笛破淪江落日斜

涼風安得開懷抱萬叠青螺數點霞

歌樂山寺集句贈友二首

周開豐

仙樂風飄處處聞

白居易

屬車鸞鶴自成羣

曹唐惟

餘芳草滴春露

劉滄

難得閒人語白雲

王建

溪上

嶰螯沙漠漠

許渾

馬前紅藥雨紛紛

韋莊

大知高

士禁岑寂

唐彥謙

雀尾金爐一世焚

皮日休

青松手植變龍文

李商隱

把酒相看日又曛

韋莊

樹

影興餘侵枕過

方干

石榴紅重墮階聞

皮日休

琴臨

秋水彈明月

杜荀鶴

客至孤峰掃白雲

皇甫會

何用別

尊方外去

韓翎

山中地主是茅君

皮日休

陪高守村易半山龍鶴坪諸先生登塗山下飲

覺林寺

周開豐

夏后遺蹤杳靄閒攜壺歷歷共追攀眼開天界淪

州小心愛雲邊野寺閒窈窕行來花正放

西閣木芙蓉

妙明相引石非頑詩成客去香林寂却聽鐘聲度



遠山

踏青過巴蔓子墓

周開豐

莫踏墳前帶露莎中藏毅魄有神呵吾城尺寸終  
難得楚使尊常敢若何東地得全同勝算南賓孤  
守足悲歌夕陽杜宇時相弔遺碣無聞蔓草多

登塗山微雨集句

周開豐

天花香散誦經臺靈一更促霞觴畏景催武平古

殿虛窻山翠入滿山寒葉雨聲來俱劉池邊寫字

師前輩高駢石上題詩掃綠苔白居易高館可容塵

外客戴叔倫醉筵還就月中開李紳

飲準提菴集句贈耳聰上人周開豐

天花香散誦經臺靈一萬竹青青照客盃杜甫禪

室從來雲外賞張說醉筵還就月中開李紳風吹

藥蔓迷樵徑許渾塵淨寒香覆綠苔姚合又喜同

心有支遁曇域却思金馬笑鄒枚李紳

城樓觀漲周開豐

汶水滔滔七月流怒濤千里下渝州排空不覺塗  
山遠窺峽遙知灩澦愁休便望洋驚海若且携團



扇上江樓凭欄指點灞迴處楓葉蘆花一片秋

再遊香國寺

寧海令 羅守仁 方山人

共挽蘭舟到寺前塵消數點雨餘天江東城角新  
遮柳渡口桃花舊繫船日月未殘碑上字鬚眉已  
占座中先此身欲寄憑誰寄借得吾廬一覺眠

登塗嶺

羅守仁

足倦城東百折山麾巾更躡此山巔空亭之外寬  
無地窄眼於中大有天江漲未澄容我鑑桐開雖  
密倩誰憐頭陀走瀉一杯茗笑索香資繡佛前

牛角沱弔殉難董司馬

王清遠

一水渾渾嘆若何董公奮義強迴戈可堪殄賊爲  
謀遠但有捐軀著節多林下雄風真保障石甕遺  
恨逐長波城西月色淒涼夜猶聽漁人唱輓歌

覺林寺

王 泮

渡江爲訪寒梅信路入覺林獲勝遊一帶寒山松  
影碧數聲野鳥竹亭幽巖花照眼幾開落澗水縈  
橋時去留閒與山僧烹日注夕陽縹緲點沙鷗

月下望塗山

王 泮



塗峰拔地幾千丈一豁雙瞳夜月閒霞色火明嵐  
影外豹聲犬吠竹林閒隔江鳥道迷踪跡出岫浮  
雲自往還好躡危亭吹鐵笛幽人想未掩柴關

庚子避暑溫泉

鮮與尙 邑人

翠微深鎖梵王宮野岸紆迴一徑通谿塢日中眠  
虎豹江潭夜靜泣蛟龍雲生石壁凝山雨泉落松  
門咽峽風選勝有人攜蠟屐寸旬此地滯孤踪

禪崖二首

鮮與尙

水瀟天竺紅樹秋懷人江上思悠悠綠雲不得花  
閒露新月猶懸竹外樓清夜風聲勞短夢黃昏砧  
杵動星愁閒來漫叶江湖咏碎踏寒沙一徑鷗  
每道禪崖遠市塵翠微深鎖白雲頻泉通竹塢開  
三徑水繞松扉絕四隣老樹常栖聽講鶴危臺時  
有看花人到來心地清如許却悔鑽研誤此身

亭溪

鮮與尙

煙蘿岸斷翠嵐燠流水中通野市分漁艇夜橫千  
嶂月人家閒鎖一溪雲迷離樹影深深見哽咽鐘  
聲隱隱聞幾欲席茅仍未得行吟沙際愧鷗羣



登龍鶴坪先生九龍灘別墅二首 張宗蔚

為愛山居避市塵優游林下樂翩翩一江流水千  
竿竹十里煙波五畝田開戶閒雲來枕上捲簾明  
月到窻前書聲直與琴聲和人在春風二月天  
日向深山坐翠微陶然自得養天機題詩池上觀  
魚躍酌酒亭前看鳥飛大小舟從門外過往來人  
自渡頭歸閒情課讀栽花柳不與塵囂較是非

春日遊香國寺 張宗蔚

春山渺渺映江波問渡皈峰約伴過野徑雲輕穿

竹密幽林雨細落花多老僧自起修茶具遊客相  
從聽鳥歌勝地莫教輕歷盡且將杯酒醉顏酡

舟次金鰲寺亭子 陳廷閏

兩江環擁一危亭峻削遙天小畫屏對我山川皆  
過客娛人風月是浮萍酒酣日淡茶煙碧燭暗波  
明樹影青記得初春曾繫纜清鐘試向枕邊聽

遊香國寺 沈 鉞式金  
會稽

皈峰石磴曲盤空一徑雲牽淨域中大呖山門驚  
燕雀鶯穿禪室響絲桐僧厨遠引松崖水貝葉輕



翻竹閣風何事維伽偏抱病歸蹊間月送青驄時僧抱病

千尺井

在石林寺左

僧道

智

河東

來源滴滴石為穿裂破青山作兩邊長笛一枝吹  
冷雪斷虹千尺走寒煙煮茶香透松梢月洗研雲  
生鏡裏天滌盡諸方禪五味百川誰敢與爭先

亭溪八景

僧寂

崇

南範寶慶

雙流春漲

草閣迴欄俯澗東柳堤十里晚煙籠春深水綠平

橋外夜靜燈紅野市中澗響乍沈鷗睡穩桃花生  
浪鯉騰空帆檣上下雙流合疑似龍門百尺雄

夾口吐舟

青山對峙碧流斜時吐扁舟汎浪花帆影牽雲初  
出口櫓聲隨唾卽成霞西來絕巘通秦塞上接遙  
天貫漢槎中有仙人能點石夕陽林外散丹砂

太公罷釣

尚父何年化石頭一鈎無復餌王侯絲綸拖霧和  
煙冷簑笠披雲帶雨流秋老雙華生短鬢夜深月



色醒雙眸若非獵騎寒溪過高卧林泉不問周

補山飛鳳

丹山曉日彩霞圍遙見凌空鳳正飛千仞覽輝當  
直下羣峰刺漢果何歸漫云岐嶺先鳴瑞亦有卷  
阿且息機竹實梧桐饒此地雛將九子羽毛希

石船載月

大荒野岸一舟橫雖有雲帆怕遠征春漲半搖沙  
岸濶秋深滿載月輪輕江村夜靜何嘗繫蘆荻花  
繁相對明船子高歌人已睡寒風吹動水禽驚

紅花漾錦

岸墜紅英染絳紗春流蕩漾一溪花小風細織千  
層錦曉日微翻五色霞正是筆尖摘麗藻還如潭  
上浣袈裟種桃人竟歸何處止見疎林宿暮鴉

獅盤煙市

金眸蓬尾撒青毛吼徹人天靜不嗥本侍文殊依  
法苑逸來巴國鎮林臯春煙漠漠威儀肅秋日晶  
晶意象豪野市散時回首望靈山歸去月輪高

石鼓流聲



江干石鼓幾經年水伯山靈壓寶船柔浪打時應  
坎坎驚濤擊處定齎齎正平作吏能撾否舟子邈  
帆更惘然誰聽如來傳大法雷聲飛入水中天

庚辰仲春既望過巴署望江書屋即呈王明府

熊峰老伯

姜復基 敬輿如臯

不獨詩仙吏也仙訟庭草滿百花然恰因世結芝  
蘭契無限情殷桃李天屋裏望江吟字水樹陰築  
石貯靈泉鯉趨竟日依潘縣 時家大人館署中 巴子巖高  
月正懸

五言排律

唐

入東陽峽與李明府舟前後不相及 即溫湯峽

陳子昂

東崖初解纜南浦遂離羣  
出没同洲島沿洄異渚  
瀆風煙猶可望歌笑浩難聞  
路轉青山合峰迴白日曛  
奔濤上漫漫積浪下沄沄  
倏忽猶疑及差池復兩分  
離離閒遠樹藹藹沒遙氛  
孤猿啼寒月哀鴻叫斷雲  
仙舟不可見遙思坐氤氳



曉行巴峽

王維

際曉投巴峽餘春憶帝京晴江一女浣朝日衆雞  
鳴水國舟中市山橋樹杪行登高萬井出眺迴二  
流明人作殊方語鶯爲舊國聲賴多山水趣稍解

別離情

皇清

賦得春風扇微和

歲試巴邑文章

王爾鑑

大地銜春意普天樂惠風拂衣方習習鼓物自融  
融縹緲寒煙散悠揚瑞靄同鶯牽聲岩颺冰解水

冲澗裊柳眼初碧噓花顏漸紅

禁林香密佈山

澤氣潛通不假雷霆力偏先雨露功扶搖厲多士

乘此好騰空

弔明殉難重慶守章公

周開豐

公諱文炳福建長泰人知府事奢崇明叛公死之是日百姓以身翼公者數十圍首歎曰

吾悔殺廉吏

守賢民共翼臨難不相違取義臣心憤騎箕天路  
歸祇言遼事棘遽蹈土酋機狼子元難畜廬兒未  
及揮倉皇何必問富庶已全非鬼厲禡蠻魄神光



巴東志 卷十一  
照血衣求祠無地見訪古更人希止有塗山月依  
依流昔輝

賦得巴江學字流

姜會照

一水流成字潑洄恰似巴何人觀鳥跡終古畫龍  
蛇管握天工巧箋鋪地錦賒雙虹盤遠勢三折吐  
奇葩魚戲疑吞墨鴻飛或印沙風神隨點畫波致  
任橫斜苻藻文成綠蒲蘆筆夢花尋源探學海潢  
汗愧塗鴉

七言排律

皇清

洪崖洞身自齊巖巖下空豈對劉靈慈  
華陽紀勝曾聞畧古洞尋幽尙未窮怪石縱橫看  
作虎枯藤屈曲挂如虹巖懸瀑布飛晴雪柳浣沙  
堤繫泊篷仰面千家臨畫堞盪胸半嶺入蒼穹地  
偏市遠塵難至橋轉溪迴路忽通石擁神龍爭見  
躍天開鬼斧劈鴻濛滴珠泉湧洪崖下更浣亭欹  
冷翠中寶蓋飛揚來貴客雲車飄渺接仙翁勝遊



雜選有時盡此地蕭條萬古空惟有嘉陵江色在  
一灣斜帶夕陽紅

贈東川書院周梅厓山長

姜會照

墨海清流字水香溪山煙雨釀文章淵源先世通

蘭譜

山長與先觀察  
公庚子同年

杖履今朝拜草堂前輩天教

留碩果老成人幸覩靈光苜錢斑駁千痕綠書帶

縈紆幾尺長自有雲霞繚石室豈惟月露艷詞場

徐陵筆許珊瑚架李鄴籤應玳瑁裝雅管風琴資

鼓吹魯魚帝虎藉評量

王明府熊峰修志  
公采訪校訂獨多

前言記

識追皇古逸事搜羅徧大荒徵獻信能存杞宋刪

書譬則斷虞唐非公宰室何嘗至不朽名山得益

彰聽我無才原鹿鹿依人到處總俚俚夔門七月

詩尊杜錦里經年字問揚失馬誰曾閱小子焦桐

寧冀遇中郎故交泛愛情徧摯

熊峰留宿  
望江書屋

老宿相

逢氣倍昂講學倘容聽几席飲醇何異醉壺觴服

膺勿失公才美竝駕瑯琊大道王



無公夫公木美並...

數...

...

...

...

...

...

五言絕

唐

塗山寺獨遊  
白居易

野徑行無伴僧房宿有期  
塗山來去熟惟是馬蹄

知

巴江柳

李商隱

巴江可惜柳柳色綠浸江  
好向金鑾殿移陰入綺

窗

明



巴陽夜泊

施敬益莊錢塘

獨棹三巴夜秋高片月孤灘聲將客夢萬里下東

吳

渝江登陸二首

楊慎

來往舟如屋相隨一月期低回不忍去翻似別家

時

曠野惟看樹高城不見人新花臨水發照影為誰

春

白

渝州世土蘇蘇學學不具音風張安絃琴父烏程

水向峽中去城緣天半開龍門留碣石山上起樓

臺

古蹟十二首

周開豐

蘇碑

洋州三十詠猶帶西湖雲移來依頰水允矣耀奎

文

蠓泉

郭索見神泉傳聞得氣先邦人掄解首已兆杏壇



前

西湖社

昔賢觴詠地世亦號西湖名跡今徒在誰憐屋上  
鳥

雙狀元碑

巴國當南宋馮蒲兩狀元遺徽存石碣可復繼高  
騫

金碧臺

古臺餘廢址土花繡寒碧不見香風吹但看秋草

積

佛圖關

雄關臨三水天險詎能圖散策看題壁為憐劉大

夫

蓮花池

幼時經水際猶見有紅蓮不圖三十載滄海變桑

田

香薷碑 在五福宮殿後崖今亡

花宮牆外地叢生香薷香鑿石知誰始今為擣藥



場

息火池

水如須得制昔人有深識若欲以民寧于此問消

息

洗墨池

江風何燁燁茲池不可測宛如叔度來非徒為洗

墨

玉屏

橫排蒼玉案列作此門屏秦篆為之記非同劍閣

鐘

龍門

水元龍所宅鬱碑此其門風濤回地軸雲雨達天

閣

宿石橋舖為友人題畫迴文

周開豐

煙滯籠疎松雨飛接斷虹前山秋色晚船泊可橋

東

西湖社

龍為霖

只今無點水猶競說西湖勝社幾時復長懷倪大



夫

雙狀元碑

龍爲霖

有宋多才子比肩兩鼎元江山曾不改紅杏尙依

垣

佛圖關

龍爲霖

羊腸一綫路片石聳雲孤莫倚雄關險九泥夜雨

塗下讀似字勢其門風濤回此地與雨殺天

蓮池

龍爲霖

少時遊此地常愛水中蓮勝事可長在回頭四十

華巖寺

龍爲霖

日氣寒松影山光冷澗煙一聲清磬後巖壑對悠

然



日度寒林濕山次命歸野一  
華散在 離風霖

七言絕 蜀賦 豔 山 蕭林 萬 可 蕭 一 百 八 聲 古

唐 費林 賦 餘 便

興發 渝州 却寄 韋判官 司空曙

紅燭 津亭 夜見 君繁 絃急 管雨 紛紛 平明 分手 空

江轉 唯聽 猿聲 滿水 雲 吳 融

送僧 上峽 歸東 蜀 吳 融

巴字 江流 一棹 迴紫 袈裟 是禁 中裁 如從 十二 峰  
前過 莫賦 佳人 殊未 來

五代 會言 氣 出 人



正升會噲岑山人

王周

渝州江上忽相逢說隱西山最上峰  
畧坐移時又分別片雲孤鶴一枝筇

宋

黃葛晚渡

制置使兼知重慶府余玠

龍門東去水和天待渡行人暫息肩  
自是晚來歸興急江頭爭上夕陽船

覺林曉鐘

余玠

木魚敲罷起鐘聲透出叢林萬戶驚  
一百八聲方

始盡六街三市有人行

明

次雲屏九日韻

山東巡撫謝東山少安

海門孤嶼湧中流千古龍祠在上頭  
記得雙旌蒼水使春風一舸下渝州

巴女詞

舉人謝遜彙先

巴川積水極岷峩巴女明妝豔綺羅  
為語秋江風浪急斷腸休唱木蘭歌

送蕭若愚

國子博士徐禎卿昌穀



送君南下巴渝深予亦迢迢湘水陰前路不知何  
地別千山萬壑暮猿吟

巴人竹枝

王廷相子衡儀封

楊花作雪草連天郎下荆吳又一年江上浣紗郎  
不見問郎錯問下江船

軍中口號寄諸弟

重慶太守王行儉質行宜興

重關烽火陣雲寒回首鄉園道路難為憶高堂清  
淚落更將尺素報平安

皇清

錢龍雨蒼四首

御史張漢石屏

峽中水涸趁殘冬漫指舟前六六峰且同高唐雲  
雨道蒼生有待用人龍  
不應便老入山林恨點佳名比盜金適惹高堂阿  
母笑兒頭未白白兒心  
天生鐵甕壓晴波一水源深牛角沱僕本巴人思  
舊里煩君為訪近如何

庖羲揖讓姓來人圖說重明太極新為我求溪尊

舊著待疏陪祀繼王陳謂明儒陽明白沙明未瞿塘來知德著周易圖註



多先儒所未發兩蒼  
會屬僕疏表從祀

回渝巴字園作

張漢

江城如畫撫塗山信宿扁舟數往還  
客夢不須尋異水佛圖也是舊鄉關

夏日渝州書院納涼望隔江山色二首

龍為霖

不用披襟倚戶當主人幽致自生涼  
時周梅崖隔掌教院中

江尚有賢東道欸客遙供山一房

吟詩把酒未為狂吾道流傳却暑方  
歸去夢中山

翠冷猶疑身在課經堂

在山亭秋海棠盛開

徐啟後 會邨海鹽

在山亭府署東齋也高榕陰蔽數畝秋海棠  
羅生滿墀僅一小徑拂人衣袂榕身皆花

不待秋風已爛開榕陰涼沁夢初回  
笑他名好溪

仍在那及斯亭錦作堆 隔江有海棠溪

佛圖關

邑令張兌和 繡園

誰知南北竟紛紜夜半傳衣獨獠羣  
我亦西來掃文字茆簷坐看佛圖雲

大江三面抱關流梵宇氤氳關上頭  
一處散花三



面雨天花開遍古渝州

覺林寺佇友

張兌和

江外青山夕黛滋渡頭灘急落帆遲蛙聲滿院鐘  
聲吼正是僧歸月上時

大水過白崖

張兌和

樹杪飛簷霧晝霾記曾三宿最高齋瓜皮一葉乘  
空下指點中流望白崖

華巖紀事

張兌和

乾隆己未至乙丑余客京師往來東直門華

巖禪寺寺主天然師實性巴縣華巖門徒也

是秋余授渠縣師諄諄以祖庭相託并有將  
歸故山之志己巳冬余移巴邑始履其地正

厥宗風迫辛未入 覲重訪舊遊而師已先

一歲化去矣禮其塔而哀之攜其語錄小影

以歸爲燃燈作佛事付住持元徹位諸祖庭

時壬申正月十五日也追憶乙丑上元師特

爲余點燈聯句爲樂荏苒八年時地遷移人

天隔世恍然於宗門賓主之說因志數語



燕山風雪臺千里蜀國煙花樓十層誰是主人誰  
是客為師重點上元燈

黃葛渡

羅 惜

岷水東經黃葛渡橫江一葉畏人多何如向晚登  
城望似有魚舫雜棹歌

北碚江干坐月

邑令 王爾鑑

縉雲山下走江聲山市參差江岸橫坐看波翻秋  
月上水光月色羨雙清

望縉雲山

王爾鑑

江上青峰聳縉雲雲來舒卷自續紛有時釀作光  
華日九十九峰都不羣

望白崖寶輪寺

王爾鑑

寶輪山寺對江開欲續遊踪泊岸回只恐被他彌  
勒笑三年何事又重來

望香國寺

王爾鑑

香國會吟花雨香依然古木閒幽篁舟行不及重  
遊賞空羨白雲卧上方

龔家崖

王爾鑑



懸崖竹樹影參天崖上人家屋數椽莫笑欹門黃  
葛老猶撐古榦撼風煙

渝州重九口占

雲南唐

思鶴巢  
汀都

無邊風雨泊渝州獨把茱萸醉客秋好上萬山峰  
頂去目窮千里大江流

巴署望江書屋口占

王明府熊峰所  
建在署左山腰

姜會照

山腰官閣傍雲樓嵐影江光入望齊一勺泉流黃  
葛樹三閒屋對海棠溪

梁間紫燕樹黃鸝又見山梁集雉雞最愛曉窻清  
客耳穿林無數畫眉啼

巴渝十二景

姜會照

金碧流香

風滿林亭月映苔心清自有妙香來何人諱却真  
邱壑漫說王褒望祀臺

洪崖滴翠

飛來何處晴如雨漠漠高旻色映空自是仙崖張  
畫景嵐光一片裊清風



龍門浩月

驪龍珠走字江邊水鏡空明別有天不比蚌胎盈  
復闕玉輪終古浪花圓

桶井峽猿

游雲杳杳入山時古木煙蘿夾岸垂倒影忽驚波  
盪漾百千猿挂一枝枝

孛水宵燈

萬家燈射一江連孛子光流不夜天誰種榆河星  
歷歷金波銀樹共澄鮮

黃葛晚渡

老樹根蟠古渡旁珊瑚秀插水中央  
江中橫插一洲名珊瑚根  
空江秋影煙波濶小立冥濛望野航

海棠煙雨

拂岸風來襲袂香煙鬟雨髻女兒粧溪山斌媚眞  
如此不枉嘉名是海棠

縉嶺雲霞

雲來山掩雲如失雲去山空影似留秀嶺不曾分  
色相赤城黃海望中收



雲篆風清

青煙翠靄雲爲篆路折峰迴九曲山披拂好風襟  
自爽更看飛瀑落琤潺

華瑩雪霽

銀海光搖碎玉明野梅花放晚山晴新詩一卷吟  
驢背好紀華瑩雪後程

佛圖夜雨

何來夜氣動平冥浙瀝聲催石有靈曉鏡芙蓉窺  
欲滴居人遙指佛頭青

歌樂靈音

萬樹松篁振響遙一天風雨奏簫韶紅牙紫玉誰  
相謔自有清音破寂寥

不寓渝準提菴西樓二首

興化太守蘇本潔幼清常熟

濛濛細雨下前川曉起憑欄春暮天把得一甌猶  
未飲塗山翠影落經筵

膽瓶新水幾枝斜時送清香勸煮茶每夜對君聽  
梵唄惜花春夢不天涯

華瑩道中二首

周開豐



幫腰細路繞溪斜野水沄沄激淺沙過得崦來剛  
絕叫春雲一半是梅花

祇道華瑩天夜明曉來銀樹甚縱橫就中愛殺南  
天竹火齊珊瑚太瘦生

渝州清明

孝廉王沐

不禁年年謝豹鳴巴山山外五清明海棠溪水綠  
堪染依舊千條柳浪生

寒崖噴雪

僧德玉 聖可

萬斛珠璣吐不休為傳心事赴江州寒崖有月清

如許不照人閒草木秋

華巖八景

僧道智 河東

古洞魚聲

虛巖雲隱一燈青中有老僧閒誦經除却生公臺  
畔石不知誰解靜中聽

天池夜月

欲釣寒江未有閒持竿深入萬重山水清月白天  
如鏡只在離鈎方寸閒

寒崖噴雪



銀臺翠滴落花香六月寒生枕簟涼添得詩家多  
少興水晶簾外卧秋霜

雙峰聳翠

白雲堆裏鬱嵯峨兩點青如竝蒂荷說與萬峰休  
恃衆好山原不在於多

萬嶺松濤

傾湫倒嶽勢何遄怒浪驚濤響萬川禁得山僧全  
不聽風波任吼上青天

遠梵宵鐘

松齋夜靜月朦朧斷續聲驚斷續風慙愧有心聽  
不得知音多在寂寥中

疎林夜雨

萬山深處思無涯颼颼風清月色奢香雨不知何  
所得滿林空翠滴松花

曲水流霞

東一灣兮西一灣更添春水作波瀾大塊文章收  
不得桃花飛上釣魚竿



不辨映音冬山寐寒中

公廣奇備只親淵淵餘控驚瀾餘風濤野休心

詩餘

蘇州張人喬嵩 萬疊孤善聲新計刻斷

皇清

香華蕙蘭神翠散風來劫斷焚王宮蘇雨寒

沸圖關壁歎劉將軍遺刻

望江南

余 瀾 宗建 山陰

巖石上題句認劉公播賊初平還駐此遼陽無信

調援東何遽歎藏弓 聲惻惻憂畏總無窮兩世

勲名良可念蛾眉謠咏漫相逢落日下西風

巴郡送徐良佐回清苑逾年寄此問之

浪淘沙

余 澗

渝樹醉霜紅客去匆匆巴山常有雁相逢將夢



書同寄去繩武堂東  
鴈詠舊從容筆掃梅風軟  
塵偏為旅人濃遮斷兩邊尋夢處誰話離悰

曉望塗山春翠

落梅風

周開豐

朝霞爛塗嶺鮮見虛亭特立天東畔好春風吹翠  
影落窻前并侵我手持書卷

禪巖八景

浪淘沙

僧寂

崇

南麓實慶

禪巖疊翠

碧嶂繞崆峒翠竇玲瓏飛來峰湧梵王宮花雨雲  
翻連遠岫宛入喬嵩萬疊蔚菁叢松竹陰濃夜

盡微風送曉鐘喚醒煙塵無限夢萬慮皆空

天台曉日

山勢碧峻嶒石磴雲騰曉來紅日自東升赤霄掩  
映疎林翠露滴青藤曙色鬱風生萬壑雲平林  
巒處處沐新晴小澗石橋通梵刹不讓霞城

仙洞貽雲

石洞自天開莫浪疑猜繡壁蘚花襯綠苔朶朶蒼  
雲生洞口疑是龍回行雨去徘徊冉冉成堆翻  
翩仙客御風來聞道月明吹鐵笛落盡寒梅



涪江秋月

霜落涪江秋水淨  
雲收碧天銀漢逐波浮  
一輪明月隨山轉  
徹底清悠照盡古今愁  
不管東流滔滔逝水去  
何休月落潭空無限意  
悉付滄洲

白沙落雁

渠水浪生花渺漠  
無涯霏霏玉雪釀成沙  
何處飛來羣雁宿  
平布煙霞冷露濕蘆花  
風響蒹葭驚起征鴻陣  
陣斜一天秋色橫  
分破又過漁家

東陽晚渡

日落半山紅水濶  
融融平沙偶聚開  
西東野渡橫舟爭棹急  
何日從容霞彩亂  
山中歸雁橫空徘徊攜手怨  
長風離緒一腔不歸去  
方泣途窮

峽水拖藍

峽水綠陰涼  
浩淼蒼茫晴峰落照碧  
流長解斷山根通一線  
直接瞿塘風外水湯湯  
藍映成行波搖翠影  
柳絲颺流出巴江  
載秋色絕勝滄浪

西山夕照

夕照落山前  
流水潺湲獵人林外漫  
搖鞭影亂斜



陽風散彩珠燦林巒 深樹起炊煙飛鳥翩翩赤  
霞平布滿山川霜楓樹底歸歌牧尙擬桃源

*[Faint bleed-through text from the reverse side of the page]*

只附軼事王景效生人秦郡歸崇祖丁未林縣

三巴記三巴異物志皆蜀漢譙周所著巴蜀志晉

袁休明撰書久無傳水經注開引用之

明洪武四年六月廖永忠克夔關趨重慶明昇出

降獻俊馬十疋一馬色正白身長十一尺首高數

尺足高比首殺其二有肉隱起項下約厚五寸廣

三寸餘貫脈絡腹至尾闊而上精彩明晃振鬣一

鳴萬馬爲之辟易羈勒不能近近則作人立而吼

上謂天旣生此英物必有神以司之親撰祝冊詔



有司祀以牲醪勅典牧副使高敞囊沙四百觔人跨囊上遊行苑中性漸馴八月癸巳上將行夕月禮於清涼山壇乘之出如躡雲馳賜名飛越峰命御馬監繪形藏焉

明張永嘉孚敬會審薛侃彭澤時悻悻不平曹自由揖而言曰此豈相公以氣陵人之地耶永嘉不擇自山竟以此左官風裁則大著矣自山蓋卽永嘉會試所拔尤爲人所難

戶部尙書王杲汶上人素清謹嘉靖丁未秋柄臣惡其執法嗾言官妄劾遂逮獄考訊伏誣謫戍死時邑人劉起宗任戶垣連疏救之廷杖四十謫外司前舊有坤維正氣坊列劉公名於首順治開成都守冀應熊改刻石今亦圯

傅宗龍雲南昆明人年十七成進士初任巴縣知縣其未第時往往夢游一處見老屋一所內一老婦人各含悽相視小齋內几案整齊有某書某書一書內夾時藝數首似是已作及到巴久之詣道署其右卽縣學見其地頗似熟游者心動乃赴學



拉兩廣文同往尋之曰此去路凡幾曲入一門階  
幾級屋內一老婦人齋有書若干某書內夾時藝  
數首吾作也及至路曲門階一一不爽詢老婦與  
其夫姓名縣庠生也某年卒年幾何無子今二十  
載矣因泣下傅公亦恍然覺其爲前身而老婦卽  
其妻也又諦視其貌益宛然不謬因告以故且曰  
汝架上爲某書某書內有文數篇是吾筆何  
處爲臥室何處爲厨竈亦一一不爽婦聞而大慟  
眞其妻也於是共相嗟歎乃迎婦入署別室安養

終其生而自敘其顛末刻諸石題其額曰覺悟立  
舊居前  
華鑿山高峰巨壑喬木參天木商多采木於此休  
寧曹亦山一日督工倦坐巖下忽聞蘭香清馥乍  
有乍無尋之弗得以問主人土人曰此必大葉蘭  
也種甚奇葉花與他蘭無異但一莖一花莖之中  
節生葉一片如秋海棠葉仰以承花不易逢也亦  
山益心動厚貽使求之踰月以數苗至如其言似  
獲寶焉



謝慧卿巴謝氏女也頗能詩雖不盡合亦一方之  
閨秀其竊仙自樂詩云尋得桃源可悟仙丹書惟  
恐鳳飛傳雨收峰頂雲歸洞風到池塘月滿天清  
脫可掬有閨餘集題咏甚富

城東北江東岸大佛寺亭柱上有詩蘆花江上月  
秋水夢中人二句自註云舟溯巴江行岸上得此  
兩句坐江干大佛像亭子頃之榜人催登舟因匆  
匆書之亭柱而去詩最佳但不知爲何許人也

明少司農禹同倪公於治平寺右建西湖社延覽

名流噓植後進社中多貯書籍許人借觀以次遞  
換以貧而就讀者其膏火每月兩會課前帖括  
後古學一時人才多所造就會公遭禍繼以賊氛  
社成烏有僅存一碣立道旁公題城東巴字園聯  
云欲透江光堆石瘦恐遮山色放墻低可想見其  
高致

劉向列仙傳云赤斧巴人能煉丹砂身體毛髮皆  
赤掌中有赤斧成形左太冲蜀都賦丹砂掩熾出  
其坂蜜房郁毓被其阜山圖采而得道赤斧服而



不朽又三才藻異載獨角仙巴人數百歲無名頂  
生角說多精微忽入江變爲鯉魚尙在常還家飲  
讌事屬荒渺蹟紀舊聞

吳江鈕琇字玉樵康熙壬午著觚賸四卷內載蜀

中簡公謙居

名上巴縣人

天姿絕人凡有記覽過目不

忘康熙辛亥視學江南江南財賄所都前學使者  
無不藉營金窟公至力反其弊挾勢利誘屹不爲  
動每發榜後進諸生而面誨之某某解題中窺某  
某用古入化竝不攤卷於案皆能背誦其文余亦

在列所目覩也試蘇州題中有上字一生因公名  
上遂寫上爲尙公呼是生問故生日憲名未敢正  
書耳公怒曰汝將以此求媚耶士人行已貴乎立  
品卽小可以見大卽窮可以徵達推此義也他日  
微倖立朝則婢媵奴顏汝必安爲之矣跪生於庭  
立令改正又數年公補粵西右江道北地崔維雅  
者傾險人也向與公同官屢有干請公薄其爲人  
不甚應之是時陞任粵藩護理院事遂以故巡撫  
郝公與公有交交繫公于獄公無以自明



吞金而歿其... 雅方啟門視事忽狂呼  
曰簡公來矣倉皇亟趨下堦伏地叩顙不已復起  
立投帽脫衣反手面縛左右扶入內室乃絕維雅  
疏下部議白公無罪而公已歿天下莫不冤之

巴郡東有擊甌樓唐張禕詩駐旌元帥遺風在擊

全高人逸興酣水轉巴文清溜急山連蒙岫翠光涵

巴縣學前有虎井有時聲如雷其年主登科

寰宇記渝之山谷中有狼狙山鄉俗構屋高樹謂

之閣欄以上見萬花谷

附災祥

宋

太宗太平興國元年丙子冬十月獻九穗禾

哲宗紹聖元年甲戌大水

高宗紹興二年壬子五月大旱

寧宗嘉定九年丙子二月地震三月大水

度宗咸淳元年乙丑地震

元

仁宗延祐三年丙辰六月大火



文宗天曆二年己巳四月火

明

孝宗弘治十四年辛酉五月二日夜分城上白光見渝水明耀淨光上燭次

早驗之如豆汁不敢飲踰三日始澄澈

神宗萬曆十四年丙戌秋七月虎入城

皇清

順治五年戊子大旱

康熙十一年壬子大水

二十三年甲子大饑

四十三年甲申虎入城

四十五年丙戌六月二十一日大火

四十六年丁亥太平門大火

五十七年戊戌六月十九日雹渝雨雹自此始

乾隆三年戊午虎入城

十二年丁卯三月大風府署青蔭堂前古黃葛樹內出蛟由于斯門入江所過屋

瓦皆飛江中破舟無算

二十三年戊寅三月初一夜太平門內外大火

二十五年庚辰八月二十八日朝天于斯門內大火



二十四年庚辰...  
 二十五...  
 二十六...  
 二十七...  
 二十八...  
 二十九...  
 三十...  
 三十一...  
 三十二...  
 三十三...  
 三十四...  
 三十五...  
 三十六...  
 三十七...  
 三十八...  
 三十九...  
 四十...

附僭竊

附僭竊 載本朝僭竊南蠻...

明玉珍隨州玉沙人元至正辛卯兵起屯青山徐壽  
 輝據漢陽遣使招玉珍授元帥益兵鎮沔陽乙未  
 夏沔陽饑入峽貿糧值青巾之亂遂襲取重慶獲  
 左丞哈林禿父老迎於城玉珍禁擄掠城中安堵  
 如故戊戌三月右丞完者都屯嘉州大佛寺欲規  
 復重慶玉珍使弟明二攻之相持半載玉珍乃自  
 往旬日軍潰生擒完者都及趙叅政戮於渝以禮  
 葬之過瀘州聞元進士劉禎名往見之與論國事



拜爲禮官庚子春陳友諒弒壽輝自立玉珍乃閉關不與通立壽輝廟於城南聚衆哭之壬寅五月自稱隴蜀王劉禎屢勸進癸卯正月乃稱帝國號夏建元天統立子昇爲太子設六卿明年更爲尙書省樞密院以戴壽爲左丞相明二復姓名萬勝爲右丞相尙大亨張文炳爲都察院鄒興爲平章俾鎮成都吳友仁鎮保寧莫仁壽守夔門俱爲平章寶英姜班爲叅政鎮播州彝陵荆玉商希孟俱爲宣慰鎮永寧點南定稅十一農無力役之徵置

郊社祭典賜董璧等進士出身有差命萬勝取雲南興元明遣使下聘玉珍遣叅政江儼答聘丙午三月玉珍卒在位五年壽三十六昇襲位年方十歲改元開熙萬勝與張文炳有隙文炳使玉珍義子明昭矯太后彭氏旨召勝殺之使劉禎代爲丞相勝黃陂人智勇過人玉珍妻以弟婦稱爲明二有開國功吳友仁移檄興兵昇命戴壽討之友仁遺書曰不誅昭國必不安大臣俱爲所害若昭朝誅吾當文至壽乃奏誅之仁入朝謝罪洪武二年



已酉遣使求木植庚戌春又遣使假道攻雲南戴  
 壽不允又遣叅政來召不聽四年辛亥以湯和為  
 征西將軍傅友德為征虜前將軍帥師伐夏六月  
 湯和下重慶昇降在位六年至京封遠義侯賜居  
 第五年壬子徙高麗凡二傳共十一年

三、民本念卒... 廿六年... 廿七年... 廿八年... 廿九年... 卅年... 卅一年... 卅二年... 卅三年... 卅四年... 卅五年... 卅六年... 卅七年... 卅八年... 卅九年... 卅十年... 卅十一年... 卅十二年... 卅十三年... 卅十四年... 卅十五年... 卅十六年... 卅十七年... 卅十八年... 卅十九年... 卅二十年... 卅二十一年... 卅二十二年... 卅二十三年... 卅二十四年... 卅二十五年... 卅二十六年... 卅二十七年... 卅二十八年... 卅二十九年... 卅三十年... 卅三十一年... 卅三十二年... 卅三十三年... 卅三十四年... 卅三十五年... 卅三十六年... 卅三十七年... 卅三十八年... 卅三十九年... 卅四十年... 卅四十一年... 卅四十二年... 卅四十三年... 卅四十四年... 卅四十五年... 卅四十六年... 卅四十七年... 卅四十八年... 卅四十九年... 卅五十年... 卅五十一年... 卅五十二年... 卅五十三年... 卅五十四年... 卅五十五年... 卅五十六年... 卅五十七年... 卅五十八年... 卅五十九年... 卅六十年... 卅六十一年... 卅六十二年... 卅六十三年... 卅六十四年... 卅六十五年... 卅六十六年... 卅六十七年... 卅六十八年... 卅六十九年... 卅七十年... 卅七十一年... 卅七十二年... 卅七十三年... 卅七十四年... 卅七十五年... 卅七十六年... 卅七十七年... 卅七十八年... 卅七十九年... 卅八十年... 卅八十一年... 卅八十二年... 卅八十三年... 卅八十四年... 卅八十五年... 卅八十六年... 卅八十七年... 卅八十八年... 卅八十九年... 卅九十年... 卅九十一年... 卅九十二年... 卅九十三年... 卅九十四年... 卅九十五年... 卅九十六年... 卅九十七年... 卅九十八年... 卅九十九年... 卅四十年...



